




41.51
7.56
3.3



明詩紀事

辛籤

結崎亭集外編跋明崇禎十七年進士錄嗚呼此結
 有明一代之局者誠也高皇帝三百年鼓鐘之澤烈皇
 帝十七年夢卜不能前詔書特改試期於秋仲恹
 士之副計車者不誠於詔書特改試期於秋仲恹
 釋禍未及題名太學而國已亡通閣學由庚辰進
 士第二不蓋遭遠大拜又驟越湖之事三井研閣
 學主省試蓋遭遠大拜又驟越湖之事三井研閣
 律徊闕下偕通州蒲伏賊營以遭戮辱而相傳是科
 館選流賊密令山西巨商主之凡求讀中祕者巨商
 即招致之為納賂於宦者無不始及前此來命第
 言曰新翰林尤宜速報名諸人始及前此來命第
 之為賊也內負疾而外畏禍逡巡而免者三十四第
 一甲三人無論已三十六庶常不得免者三十四第
 呼是館閣未之恥也六庶常不得免者三十四第
 貧緣幸進之理而當時苟是知子之守身必無可
 亡國之君矣予嘗得流賊所授降臣官簿一冊頗與



諸野史所紀不同金壇周鍾以勤進撰表得檢討最
幸夷陵黃燦納貨五千得編修華亭朱積引見同年
得檢討西鄉楊棲鸚得直指豐城史垂譽霑化李呈
祥並得禮儀從事嘉善魏學濂得關門防禦遂平魏天
煇得兩淮運副東莞張元琳得史可程懷甯劉餘
賞得真定梁清標安福劉筆國山陰魯粟昆明龔鼎韓
城李化麟晉江王九雲會稽王自超新喻萬發祥皆
以庶常留館下此則盡改爲縣令南昌羅憲汝得遷
安番禹劉廷琮得內江麻城傅學禹得長安杞縣何
脩光得井陘陽城白角謙得南鄭淄川高珩得襄陵
掖縣張端得仁壽項城趙頰得大名武陟胡統虞得
曲沃清苑張元錫得武功大名成克鞏得華陰崇德
吳爾壘得蒼溪就中惟張家玉不入朝捕至不拜縛
端門者五日釋之遂授書俞賊人皆疑焉以不動賊
必欲授以官家玉怒遂授書俞賊人皆疑焉以不動賊
此乘間而逃也萬發祥則爲耳聾且毀面賊怒夾於
亦逃去爾壘詐爲將之任者得逃其後家玉殉於
增城最烈發祥殉贛關爾壘殉江都蓋三十四人中
之孤鳳也魏學濂亦終死要不失爲晚蓋其間則皆
已矣幸得不預者二人達州李長祥其後間則皆
累起累蹶事敗行遜不知所終最稱完節而其一行

不終散官則全椒吳國龍得待詔宜興吳剛思得禮
儀從事清苑王爾祿得戶從事無錫秦沂得禮司務
井研胡顯得屯田防禦安邑王道成得麟得山東防
陽武憐得淮陰防禦安邑王道成得麟得山東防
楊墩得揚州府尹掖縣姜金得青州府尹全椒吳
國鼎得濟甯令津江程玉成得山西學正而如吉水
鍾性樸之降於路者尚不在此數焉龔鼎程源再亂
滇中嗚呼有明中祕禮絕百僚而甲科亦最重於流
輩一時喪亂士失所守竟攘攘至此悲夫南中解尚
書學龍再定六等逆案傳聞不將何所信焉子孫之
反誤入之而得脫者甚多後世戒或觸孝子孫之詳
錄而不諱也殆以爲百世之戒或觸孝子孫之詳
恨而不恤也雖然莫謂是科之人止此也羅州孟章
明隨其父刑部侍郎光祥殉京師清苑張羅俊與弟
光祿卿羅彥殉河南孟津陳燠殉洛陽鄞縣周志畏
歙縣無錫龔廷祥殉江甯江都梁于涘殉萬安崑山
江都無錫龔廷祥殉江甯江都梁于涘殉萬安崑山
顧咸建殉錢唐其起兵者掖縣劉允浩殉建昌溧陽
史夏隆殉吉安烏程溫璜殉休甯華亭李待問殉華
亭嘉定黃滔燿殉嘉定宜興盧象觀吳江吳易殉太
湖而長洲劉曙亦以謀起兵死閩中之亡江都鄭爲

虹殉仙霞廣安歐養素南昌熊緯殉汀州行營晉江
郭符甲殉晉江其守贛而死者京山楊文薦錢唐姚
奇胤南昌龔棻而休甯吳聞禮殉永豐南呂周定祜
殉廣信浙東之亡吳江汪景亮殉三衢海甯俞元良
殉海甯錢唐徐復儀殉會稽監國魯王入閩莆田林
嶠海甯湯茶殉興化侯宮林空殉福清而閩縣林之
蕃亦以謀起兵死粵中則山陽朱日昇家居以通表
事洩死孫賊之難嘉定羅國猷殉虔南晉江郭承汾
殉貴陽而宜興吳貞毓亦以孫賊死滇中之亡廣安
鄧思廉殉緬甸其選人海島而死終不食周粟者慈
溪馮元颺同安沈任期嘉興譚貞良也此外如雲南
楊永言會稽余若水青浦張若義山陰金廷詔鄞縣
周齊曾餘姚李安世遂甯呂潛嘉善錢默順天李孔
昭皆固守殘山剩水之所飲泣也觀於後此四十餘人
亦足以雪死者之恥矣

吳易 五首

易字日生吳江人崇禎癸未進士福王時授兵部主
事監史可法軍募兵屯長白蕩唐王立授兵部侍郎

進尚書兼都察院右副都御史魯王監國封長興伯

師敗被執死乾隆中 賜諡節愍有東湖倡和詩

自靖錄甲申三月京師陷五月南都立君久之而不
聞為先帝討賊易遂發憤與同邑舉人孫兆奎諸生
沈自駒沈自炳武進吳福生徐安遠誓眾舉兵旬日
間得水師千餘人屯於五湖三泖間出沒旁近諸縣
轉戰互有勝負既而援絕孤且兵皆烏合不堪大
戰夜潰易父承緒妻沈氏女吳氏等全家赴水死易
僅以身免乃收集散亡與浙東為聲援以梅敷之捷
連晉顯要丙戌六月浙東亦潰易乘小舟遁去匿嘉
善錢氏園中為仇家所執解浙江不屈作詩數章意
氣自若死於武林之草橋門年三十五無子義僕周
孝相依不去同邑友人包捷痊其遺骸
百城煙水東湖草堂在柳胥吳日生易所居與史弱
翁趙少文有東湖三子唱和集
靜志居詩話啟禎之間風雅凌替古風尤置不講日
生奮跡松陵誦六公詠原本杜老八哀之作是時第
知臥子有起衰之功然臥子豐縉日生戌削各有其
長

辛巳秋七月觀漕船臨發紀異

往年漕船制過洪必三月今年七月秋漕船始見發撫時興萬慮國命心所切荒哉久紆滯觸眼重驚惕東南南四百萬仰給須旦夕吁嗟支兌廢運道直如髮清淮隔會通黃流此中截洪波挾濁沙歲歲苦衝沒呂梁平徐城厥勢更險絕譬之馴虎豹時復被吞齧避黃全用汝羣議得長策穿泲達夏鎮新河乃加關駱馬後復通兩朝見底績所未開石滌事便功易掇安流洵無虞失防在枯暘汝勢誰最高南旺爲之脊北分白衛入南引沂泗接泉湖相輔佐湖六泉三百封遏使其贏所以時蓄洩曩時正全盛神人兩安悅桃花汎春瀾銜尾萬艘捷暑盡事云竣中秋動歸楫當茲風潦清迴帆想超越

胡爲沮江干牽挽方据拮吾聞秋冬交水工急挑刷湖陂久淤澱泉源爭盜竊啟視不盈掬經川盡焦圻河臣初經綸盡瘁毀心骨人功匪不賊適此天行厄岱宗意如何牲璧忍哀歎回空旣守凍冰泮始措措及乎抵水次春徂夏已迫強半壅不來官差捉船隻此鄉同亢旱草樹代魚麥斛米數千錢蒼生苦貴糴軍旗志豈屢咤叱恣狼藉仰維軍國憂孰敢愛膏血伏願道路平飛送到京闕羣盜滿中原青齊暗長戟孤懸止一道何以禦倉猝臨發意無憑鼓聲雜鋒鏑軍船旣傍徨民船尤慘戚傷心述祖制四倉何絡繹豈獨備非常兼規數年積漕事凡五變經始平江伯是法祖劉晏富強垂石畫臨徐宿重兵況可杜萌隙簡練得其人護漕皆勁卒輓輸疾

無時夫何患淹格近議復海運所懼非漂溺出淮鑿膠萊取
道良徑帖襟喉委榛莽此計無乃拙自今霜月涼冉冉青楓
赤窅巡忽後時千里增冰雪安得傾天河懽笑歌利涉川竭
古所誠廟堂有調燮

東湖雜詩三首

大澤千年在英雄一戰場魚鱗出古戟燐火聚頽塘沙走三
江白風驅百瀆黃怒濤東到海流恨總興亡

浩蕩晴波遠森疏古岸秋沙明矜獨鶴風澹悅羣鷗此日五
湖長浮雲萬戶侯臨淵尋片石真欲老披裘

柴門聞獨嘯史趙日經過四海煙塵半三人涕淚多富強書
共論出處事如何爲歎龐公隱仙雲掩薜蘿

亞父冢

河決川原幾變更高邱何事獨崢嶸五陵王氣銷煙草玉斗
千年恨未平

楊文薦一首

文薦字幼宇一字又如京山人崇禎癸未進士除南
兵部主事唐王立遷兵科給事中以右僉都御史巡
撫南贛加兵部侍郎守贛州城陷被執絕粒死乾隆
中賜諡忠節有茗溪集

自靖錄楊文薦以兵部武選主事入闈改兵科給事
中丙戌五月奉使湖廣道出江西適座主萬元吉督
師贛州留與協守題陞巡撫文薦歎曰誰非王臣忍
使吾師獨爲君子乎吾當死此矣日夜登陴積勞成
病十月城陷被執不屈執送南昌提督親解其縛曰
公宜識時務毋徒自苦爲也文薦曰吾受命撫贛贛

亡則吾當死毋多言斷吾頭懸贛門以謝贛人絕粒
數日嘔血數升丁亥元旦強扶下榻南向哭拜一痛
而絕

西湖竹枝詞

殘夢驚心睡起遲春情春雨惱花枝畫樓無限傷心事都在
湖邊十二時

易本煨雲杜故事京山楊文薦西湖竹枝詞蓋南都
已覆公由浙入閩時所作也公所著聽湘集久佚其
僅存者京山志二詩及此耳

萬發祥一首

發祥名養正以字行新喻人崇禎癸未進士改庶吉
士唐王立授編修兼兵科給事中大兵下贛州殉難
死乾隆中賜諡烈愍

自靖錄萬發祥崇禎癸未進士同凌駟陳燠吳易山
吳忠節公麟徵之門甲申遇國變開關南旋寓居吉
安賦哀哀吟以見志丙戌在贛州死之

寫懷

煮字難爲歲樓山且有身燕鶯春事老豺虎世途屯中夜嚴
天告窮年望俗涓公主如可用先事席儒珍

溫璜一首

璜初名以介字于石烏程人崇禎癸未進士除徽州
推官城陷自刎死乾隆中賜諡忠烈有寶忠先生

遺集十二卷

靜志居詩話溫公少孤母陸孺人鞠之破屋一間無
帷帳姑沈病且餓同坐臥一板箱種火煨粥以爲食
教其子讀書姑卒孺人哀毀如子天啟七年公請於
有司聞於朝詔旌其節孝又一十八年而公成進士

年六十矣司李徽州聞國難恒引佩刀歎曰此身當
 付汝及城破先殺其女寶德次殺其妻茅妻女皆延
 頸就死乃自刎公初名以介注名復社第一集不以
 兄在相位見擯於清流後禱夢於于忠肅祠夢忠肅
 語之云子不當名以介宜更日璜遂更焉陸孺人著
 有家訓行于世
 鮪琦亭集外編公於體仁落落而閣訟事則頗不以
 復社之言為當方南都以防亂揭逐阮大鍼公日阮
 大鍼為真小人錢謙益則偽君子真者易知偽者難
 測斯人得志即小臣亦當裂麻爭之
 田按寶忠集中有見問偶錄一卷皆為體仁昭雪之
 詞又壽家少師六表序文章理學節義功業之頌不
 一而足皆為詆罔之言此可謂不知天下有公是非
 也其涉世偶錄有云天下事儘有逃遁不得便可立
 地決絕挺起脊梁掀者鬚眉濟不濟落得轟轟烈烈
 此其行能踐言守徽州而死難也一節千秋豈不諒
 哉

獨立

壇坫滿天下吹氣與雲通鳳鳥莫與匹抱潔懷孤桐人世尚

膠結獨立誰相容所不患矰繳慮其有物蒙譬彼葛蘿託纏

擾同其凶狗謗莫非命君子省厥躬

楊永言一首

永言初名瀾字岑立昆明人崇禎癸未進士除崑山

知縣流寇陷雲南巷戰死乾隆中賜諡烈愍

滇南詩略楊公哭莊烈帝詩云天步艱難可奈何九
 重無計起沈疴幸除閻寺滔天惡忍見滇地捲地波
 虛席求賢賢獨步禁人納賄賄偏多問誰專閩誰當
 軸致此秋風麥秀歌後四語明季之弊實亡國所由
 聲淚俱下

舟行

歸路迷芳草鄉思倍黯然詎期遊子權漫附使君船江繞青山曲心隨白日懸不堪停泊處涼月慘嘯鵑

梁于涘 二首

于涘字飲光一字湛至江都人崇禎癸未進士福王時除萬安知縣城陷投水死乾隆中 賜諡節愍有

谷菴詩集

揚州府志于涘少有詩名與鄭元勳鄭為虹等結竹西續社元勳影園開黃牡丹遠近徵詩以番禺黎遂球詩第一于涘次之

小閣賞梅同許倩羅餞送辟疆盟兄之衡永

新築茅堂貯風月雪後山花盡力發有意招君君忽來吞花
臥雪真癡絕君來江上故多情葉蘋齊葉白芷生何事江頭
不肯住十里晴煙散香霧鉅罈邊竹樹幽胡不從君天上
舟錦香和處輕離別玉壘高寒託蹇修此番識得漫郎意欲

遣徐媛續春思妬花風雨不可期判誰護惜待君至

哭萬茂先

海內存聲氣遺骸為爾收囊空書劍在人去詠歌留楓冷楚
江月蘭摧隔苑秋懷君存短什迸淚湧江流

李待問 一首

待問字存我松江華亭人崇禎癸未進士除中書舍
人守松江城陷死乾隆中 賜諡忠節

南吳舊話錄李舍人當松江將失守百戶某挽之日
聞君讀爛四書今日將安之舍人笑曰臣死忠古
常事第下城與家一訣稍盡其私百戶曰君能如此
我先斷頭待之泉下即拔刀自刎死舍人憑尸而哭
倉卒抵家少妾挽衣涕泗眾爭勸之逃舍人曰若一
旦苟活夢寐何以對此老兵引繩自經氣未絕而追
者至遂遇害

松風餘韻舍人性嗜臨池遇筆墨無論精獷輒為濡

辛籤卷八下

染聲價與文敏埒

廣陵同鄭超宗諸子郊外宴集

並轡出春城春山帶郭明穿林遊屐亂隔水麗人行有酒聊
隨俗無營且樂生眼看車馬盡邱壑幾關情

林岫 三首

岫字小眉莆田人崇禎癸未進士除吳江知縣唐王
立除禮科給事中興化破死之乾隆中 賜諡節愍
有蟘蜺集

十五國風高言集董蒼水曰小眉筆有靈氣胸無滯
藻
蘭陔詩話小眉幼有神童之譽為人磊落負奇氣從
朱相國起兵及師敗被執在獄中草絕命詞三首嘔
血數斗而卒其詩取法青蓮當時詩社中之巨擘也

越王臺

水國何年闢中央駕碧臺靈妃不可見遺迹白雲開宮樹參
天出江帆逐霧來至今秋色裏環珮玉聲哀

吳素求守紹興念予安先生新有西河之恨詩以訊之
君到紹興日鶯花作好春此時探看舊我友正風塵地下憐
埋玉人間恨積薪無由一相慰淚落白露巾

江行

小港纔通市孤亭不礙山杜鵑嘯竹外別有巴陵灣

石隴 一首

隴字長卿一字映崑三原人崇禎癸未進士聞北京
破不食死乾隆中入祀忠義祠

西安府志長卿少好騎射尤善古文詞癸未聯捷憤時政擬上書為權貴所遏賊入秦曲沃李建泰督師長卿慨然請纓願復三邊自黃甫川渡河聯絡榆中靈夏建泰不能從遂憤鬱成疾避地江南甲申五月聞北都陷痛哭數日不食死湖口友人劉湘客經紀其喪

入京時詩

從來趙括易言兵寇盜於今盡據城幾點烽煙銷漢壘萬家風雨泣長平將軍格鬪徒持戟文士空談欲噉名密邇晉陽憂不細誰能先立亞夫營


凌駟一首

駟字龍翰休甯人崇禎癸未進士除兵部主事福王立授浙江道御史巡按山東改河南大兵下歸德

自縊死

偕陳涉江訪劉伯宗以詩見贈用韻奉答

觸途得坎壈境躑心自休長安寡知交鍵關絕繁稠北騎便橋南敢代墨者憂一聲驚碎琴舊友來相儔顏色照青松志合以不謀聞聲懷徵君天祿方校讐出處卜安危元勳疊相求乘軒來燕都風雲會於留仰止兩君子雙鳳儀青邱啾啾聚紫庭胡為雜鷓鴣温然服德音襍裂增重裘



明詩紀事

貴陽陳 田輯

辛籤

何騰蛟 一首

騰蛟字雲從黎平五開衛人天啟辛酉舉人除榆次
教諭遷介休知縣改汾陽南陽徵授兵部主事歷員
外郎中出為懷來兵備僉事改山西口北道以憂歸
起淮徐兵備僉事擢右僉都御史巡撫湖廣福王時
拜兵部侍郎兼撫湖南以故官總督湖廣四川雲南
貴州廣西軍務唐王立拜東閣大學士兼兵部尚書
封定興伯永明王立進武英殿大學士加太子太保

再加太師進爵為侯 大清兵下湘潭被執不屈死

贈中湘王諡文烈乾隆中 賜諡忠誠

張應詔圖園集文信國公宋末竭力盡忠輔二王何
文烈公明末竭力盡忠輔三王險阻艱難其時同其
勢相其忠孝盡矣能改心以事宋者今將不失為宰
承相矣信國公茲然出涕曰國亡不能救為人臣者死
有餘罪况敢逃其死而二其心乎國朝執公於湘
潭遺之書其略曰今天厭於明神器有主尚思收既
覆之水然久死之灰棄身不顧而單騎被執心與文
文山一轍而境遇之艱難倍蓰過之忠貞亮節誰不
憐惋先生之道盡矣若肯承天意知命來歸當不
讓洪承疇之一席也公報書曰某少壯從王運逢屯
蹇甲申三月自死所報書曰某少壯從王運逢屯
後塵也不意志切才疏致滋狼狽至今者思國臣罪當
誅尚可苟延人世乎邱墓妻子不敢顧頭可斷心可
剖先王先公實式憑之不為利動不可威劫百鍊之
剛又自相同信國公過金陵詩曰從今離去江南路
化作嘯鵲帶血歸公自悼詩曰盡瘁未能時已逝年
年鵲血染宗周其慷慨悲歌也無乎不同

述懷

列祖艱難業諸臣敗亂重揭竿何太夥制梃竟誰從國是成
剜肉軍謀競養癰劇慚心力竭無計掃羣凶

瞿式耜 一首

式耜字起田常熟人侍郎景滄孫萬歷丙辰進士除
永豐知縣改江陵未赴擢戶科給事中坐事下獄贖
徒福王時起應天府丞以右僉都御史巡撫廣西唐
王立擢兵部侍郎不赴永明王立進吏部侍郎東閣
大學士留守桂林進文淵閣大學士兼兵部尚書封
臨桂伯 大清兵下桂林死之贈少師建極殿大學
士吏部尚書粵國公諡文忠乾隆中 賜諡忠宣有

集

崇禎忠節錄瞿公受命時門下士吳江楊藝字二癡者衣衰經號哭於營中見文武將吏即叩頭請收葬凡二日聞者感動令備棺衾殮焉常熟馮班有過臨桂伯墓下詩云馬鬣悠悠宿草新賢人聞道作明神昭君怨氣莫以血帶雨和煙又一春

梅村詩話稼軒為給事中好直諫為權相所訐與其師錢宗伯同罷歸築室於虞山之下曰東臯極遊觀之勝酷嗜石田翁畫購得數百卷為耕石軒藏之未幾里中兒輩文誣染借宗伯請室也後數年余再至謂東臯草堂歌者贈稼軒於請室也後數年余再至東臯則稼軒倡義粵西其子伯升門戶是懼故山別墅皆榛蕪斥賣無復向日之觀余為作後東臯草堂歌蓋傷之也又二年知稼軒以相國留守桂林城陷不屈與張別山俱死別山者江陵人故相國文忠公曾孫諱同敞為督師司馬稼軒臨難遺表曰庚寅十一月十五日聞警開國公趙印選移營先去衛國公胡一清甯遠伯王永祚綏甯伯蒲縵武陵侯楊國棟甯武伯馬養麟盡室而行唯督臣張從廠從江東泗水過江相期同死其赴義則閏十一月十七日也

纍囚一月兩人從容倡和稼軒得詩八首曰二祖江

山人盡擲四年精血我偏傷又曰願作須臾階下鬼何妨慷慨殿中狂別山和章云稜稜瘦骨不成眠祖德君恩四十年腰膝尚存堪作鬼死生有數肯呼天又云白刃臨頭惟一笑青天在上任人狂又云亡家骨肉添新鬼多難師生共哭聲又云此地骨原堪朽腐他時魂不待招尋二公死有舊給事中後出家號性因者收其骨義士楊碩輔藏其稿稼軒孫昌文間關以歸以其詩與表刻之吳中為浩氣吟云別山死事最烈其末死也受拷掠兩臂俱折目睛出語不為撓稼軒有初六日記事詩云文山當日猶長揖堪笑狂生禮太疏別山和云臂先斷生堪賤身為城亡計豈疏街木焉知舌在否傷睛自笑眼多餘此其被刑事也稼軒以義命自處從容整暇詩云死豈求名地吾當立命觀又自艾曰七尺不隨城共殉羞顏何以見中湘蓋指何公騰蛟以殉難封中湘王也若兩公者真可謂殺身成仁者矣

獄中

年逾六十復奚求多難頻經渾不愁劫運千年彈指到綱常萬古一身留欲堅道力憑魔力何事俘囚學楚囚了卻人間

生死業貫冠莫擬故鄉遊

張同做一首

同做字別山江陵人大學士居正曾孫崇禎中以蔭授中書舍人唐王時改指揮僉事永明王立拜侍讀學士改尚寶卿擢兵部侍郎總督諸路軍務 大兵下桂林被執不屈死乾隆中 賜諡忠烈有純忠堂

集

殷頑錄張同做江陵相居正曾孫蔭中書舍人令往雲南調兵兵至江西而國變永明王時累擢兵部侍郎總督衡永兵庚寅冬 大兵圍桂林同做自靈川赴桂謁留守瞿式耜曰事迫矣將奈何式耜曰封疆之臣當死封疆同做曰君恩師誼做當共之做式耜門人也明日同就做十一月同戮於城北風洞山下

自訣

一月悲歌待此時成仁取義有天知衣冠不改生前制名姓
空留死後詩破碎山河休葬骨顛連君父未舒眉魂兮莫指
歸鄉路直往諸陵拜舊碑

郭之奇 四首

之奇字仲常揭陽人崇禎戊辰進士選庶吉士改禮部主事歷郎中出為福建參議桂王時授文淵閣大學士吏兵二部尚書被執至廣西省城不屈死乾隆中 賜諡忠節有宛在堂集三十四卷

舟暮對秋山有感

清溪含素秋蕩漾令人愁如何碧山色蕭條對此流霜葉飛
斜照疏煙縈晚洲日暮不自聊蟪蛄鳴啾啾

舟夜彈琴

舟宿寄幽林難了清夜心冥神外喧寂發我靜中音遂然林
月開滅燭光已臨曲罷歸煙水浦漱各裏深

春閨

池前君栽柳君去碧絲長不解留君住偏能斷妾腸

捨陸就汀州喜見家鄉在即

青山頻過不知名但憶鄉關此送迎昨夜歸魂先識路秋風
吹向綠榕城

范文光一首

文光字仲闈內江人天啟舉人歷官工部主事

南戶部員外告歸張獻忠寇蜀舉義兵奉鎮國將軍

朱平櫟為蜀王除副使監軍永明王立拜右僉都御

史巡撫川南 大清兵克嘉定仰藥死乾隆中 賜

諡忠節有石鼓山房詩集我眉集

我眉山萬年寺送費此度往榮經省親

敝衣猶賸老萊斑負米雖歸不是還世到亂時都作客途當
險處更閒關幾年草檄伸孤憤累月移家近百蠻瓦屋我眉
俱歷遍滿頭風雪當遊山

揭重熙一首

重熙字祝萬臨川人崇禎丁丑以五經成進士除福

甯知州福王時擢吏部主事唐王立遷員外兼兵科

給事中擢右僉都御史桂王立拜兵部尚書兼右副

都御史總督江西戰敗被執不屈死乾隆中 賜諡

忠烈有蒿菴集

勝朝殉節諸臣錄重熙事唐桂二王屢率兵攻撫州
邵武不克為大兵襲執送建甯不屈受戮
靜志居詩話洪武庚午應天鄉試長泰黃文史以作
全場五經題領解迨天啟甲子龍溪顏公茂猷亦作
五經題贈錄官惜其才而嫌其違制止騰四子書義
三篇易義四篇以入考官郝公彪佳取之既放榜
始知為五經也崇禎甲戌會試以貢舉林公鈺言
士子有作五經全題者得俱瞻進允之於是顏公中
式禮部刊會試錄特旨命題顏公姓名於第一人李
青之前蓋異典也至十年丁丑則臨川揭公重熙十
六年癸未則嘉興譚公貞良慈谿馮公元慶武鄉趙
公天麒皆以五經舉鄉會試又萊陽宋公瑚十二年
己卯亦以五經中山東鄉試此科場盛事也

仙人石

仙人何處去空有仙人跡時一聞笙簫玄雲來絕壁

李含乙一首

含乙字東生渠人崇禎甲戌進士除高郵知州遷禮
部主事告歸張獻忠寇蜀死之乾隆中 賜諡忠烈

有秦郵草

劍閣芳華集東生乞假歸里值張獻忠據蜀偽令某
素之急赴水拯起不屈錮於獄邑人攻殺偽令東生
後與賊戰死

晚發海陵至江都

日落孤舟發漁歌極浦聞江光涼泛月山色晚含雲喚渡歸
人急揚帆估客勤繁華今古夢惆悵杜司勳

梁若衡一首

若衡字簡臣廣州順德人崇禎庚午舉人壬午特用

進士除永福知縣遷左州知州不赴 大清兵下廣

州與陳子壯謀舉兵事洩被執死乾隆中 賜諡節

人急時愍

旅次

經秋書劍半江湖楚水吳山問去途十載煙霜餘夢寐朔風
吹雁斷菰蘆

鄭鴻一首

鴻字劇孟南海人中書舍人露子贈錦衣千戶

廣東詩粹劇孟少負才不羈能詩善擊劍丙戌之變
率北山義旅千餘戰於廣州東郊死之贈錦衣千戶

關山月

關山一片月秋色夜初闌影入湖天冷光流隴水寒暫同兵

氣白翻與角聲殘辛苦樓闌戍多因掩淚看

朱實蓮一首

實蓮字子潔南海人天啟辛酉舉人官刑部主事

大清兵入粵攝高明縣事城陷死之乾隆中 賜諡

烈愍有積雪軒集

樵陽雜詠

行行谿路采芳荃古木千章落照邊雲裏轆轤聲不斷幾家
齊汲九龍泉

邱懋樸一首

懋樸字若木新添衛人庶子禾實子崇禎癸酉舉人
除徐聞知縣累遷湖廣僉事 大清兵入楚城陷死

之康熙中贈太僕卿乾隆中 賜諡節愍

田按節愍弟懋素崇禎庚午舉人歷官南陽知府崇禎八年李自成再陷南陽懋素罵賊不屈闔門被害屍陳野外烏鵲環繞數日不散土人異之累塚立石以表其烈弟兄先後死國世以比顏氏杲卿真卿無多讓焉

送寶華上人遊雞足山

莫更參禪莫掩關
饑時喫飯倦時還
名山不在雲深處
祇在吾師錫杖間

鄔昌期一首

昌期字 都勻人以貢選廣西知縣桂王立遷柳州同知擢湖廣道御史以言事廷杖除名尋復官改河南道掌六科從王入緬遇害乾隆中 賜諡節愍

田按節愍隨桂王入緬君臣草次結茅以居緬酋進米給從官常不得飽鵠面藍縷無人色暨緬酋逼王官呪水駢死者四十二人節愍其一也哀哉

讀郭青螺黔書烈女傳六首 錄一

有夫十四歸囹圄
早判單棲了此身
不是郎中鄒潤甫
妾身那得暫分明

黔詩紀略五開衛舍人王言妻袁氏百戶傑女幼許字言嘉靖五年言年十四父指揮以侵餉逃亡逮言監退久之產盡遺書袁父母令改適氏誓死不從四十一一年伯部鄒郎中兩憫之暫縱言歸完娶甫二月言復就法隆慶三年庚死袁守節如初御史雷稽古上其事有旨免贖旌表復其家

馬士升一首

士升字 貴州衛人諸生流賊入黔被執罵賊死
乾隆中入祀忠義祠

黔詩紀略士升父交卿字瑞符萬歷進士選庶吉士
擢御史巡按廣東以憲直忤當道左官遂不赴銓家
居杜門數十年乃卒士升承乃父之恬退清風勁節
光耀里閭而其從昆弟士英乃干進談國黃口亦羞
道之若浼一家之中而薰猶不同器乃如此惠蹠耕
難負不可解也

時事

時事已如此杞憂將奈何可憐蒿作柱豈止鏡為荷屏跡青
山淺逢人白眼多此身無著處行坐一悲歌

蔣勸善一首

勸善字夢范一字小范咸清衛人萬歷乙卯舉人除
孟津知縣遷河間同知請告家居孫可望寇黔被執

死之乾隆中 賜諡節愍有秦遊草峩石齋集

黔詩紀略節愍弱冠舉萬歷四十三年鄉試主司竟
陵鍾惺尤賞異於諸生選孟津知縣清苦自持請蠲

民間遺賦萬餘金縣人得蘇息遷河間同知不善逢
迎與當道左拂衣歸臥林下者二十餘年丁亥流寇
入黔被執不屈死節愍歸田時年才逾壯力以提唱
風雅自肩吳滋大求蔣夢范先生遺稿詩云囊空惟
有句筆妙總無塵大力全歸漢奇文半燼秦一篇存
氣韻萬古鑒艱辛其詩格之高可見又云我嘗登大
雅誼復忝周親書籍曾云付精光豈盡泯是滋大又
咸誼從之遊潘士雅集中有春興及長安秋吟各三
十首俱云遺草非封禪佳兒可負薪則其子亦能承家
詩又云遺草非封禪佳兒可負薪則其子亦能承家
學今秦遊草峩石齋集俱不可見子亦不知誰某當
更訪之

鋤園

獨向荒園把一鋤菜根爛煮月明初正須盡摘芭蕉葉好做

顏家乞米書

譚先哲一首

先哲字光美平壩衛人萬歷壬子舉人累官戶部郎

中請告家居孫可望寇黔被執死之乾隆中 賜諡

烈愍

黔詩紀略甲申明七福唐桂三藩相繼稱號貴州尙
未入大清版圖流賊張獻忠屠蜀人幾盡漸及其
兵將適獻忠中流矢死其將孫可望率其衆破遵義
入據貴陽威清平霸龍里新添之間殺戮無算攻定
番州陷之大清兵西征至遵義可望屠貴陽西遁
入滇伏屍千里雞犬無聲光美聞賊逼境率衆走保
衛東長沖國賊大至度眾寡不敵率家人南向拜承
歷君嚮指血書寄弟先召國破光美及妻劉被執罵
賊不屈遇害與屍相枕藉月餘顏色不變其弟先召
光美屍與劉屍相枕藉月餘顏色不變其弟先召合
葬之衛西蝦蟆關側人呼為雙節墓長沖有石柩今
猶傳為光美夫婦臨死時拜闕石也

長沖國寄弟辭

明社已矣何有於黔荒國存我存國亡我亡惟瑄與弟生死
不見惟弟撫瑄以存一綫嚙指灑血血與淚漣弟乎瑄乎他

日收吾骨於長沖之原

尹思民 一首

思民字 定番州人崇禎時以貢生官上杭知縣

致仕家居孫可望寇黔陷定番死之乾隆中入祀忠

義祠

城破題壁詩

省會無人守丸城那復論文章難報國軒冕太辜恩妖火連
山赤腥風拚日昏死如能殺賊糾此萬忠魂

唐誼 一首

誼字正之武陵人考授推官甲申後起義兵保辰龍

關

登善卷壇

路自攢峯入盤旋邃谷中山深遲見日樹老易驚風梵刹依巖出龍泉與海通塵蹤從此隔未許往來同

謝如珂 一首

如珂字鳴玉耒陽人張獻忠陷衡州拒戰死

夢題杜陵集

搖落荒林樹色秋瀟湘江上思悠悠知公時有憑軒淚淒斷

天涯故國愁

明詩紀事

貴陽陳 田輯

辛籤

王錫衮 一首

錫衮字龍藻祿豐人天啟壬戌進士選庶吉士授檢討歷侍講南國子司業諭德庶子祭酒少詹事拜禮部侍郎進吏部尚書以憂歸唐王立起禮部尚書兼東閣大學士桂王立中前命皆不赴土酋沙定洲作亂執至會城詭草錫衮疏上桂王請以定洲代黔國公鎮雲南疏既行始知錫衮大恨愬上帝祈死數日卒

聖駕臨雍恭紀二首

乍挹方諸水來湘伴沼芹金樞淡華月玉露展蕭辰俎豆三千士都俞十九人公庭看萬舞未許羽衣陳

樸學臬謨古昌言聖主聆硬黃摹獵碣淡墨捧名經胃子齊

歡洽真儒足典型自今隆祀典長照簡編青

靜志居詩話崇禎十四年八月大學當釋奠思陵有詔再臨辟雍於是罷遣閣臣及分獻官時龍虎山真人張應京適在都疏請人監觀禮尚書蔣公德璟暨王公咸持不可駁回十七日王公奉遣祭夕月壇二鼓始詣國子監十八日卯初刻駕自長安左門出由崇文街至成賢街入廟門兩公導帝升階坐御幄內官持金餅金甌金爐者六人天漸明行釋奠禮畢幸彝倫堂祭酒南居仁講皋陶謨自天敘有典至敬哉有土司業羅大任講易咸卦尋命賜茶文班自衍聖公及閣部共一十九人武班三十八人分東西坐帝命禮臣將進士題名碑并石鼓悉摹拓進呈又諭閣臣周程張邵朱六子不當槩置先儒之列乃定議改

稱先賢云是舉也蔣公紀之特詳今節錄以證王公之作

徐孚遠 二首

孚遠字闇公松江華亭人崇禎壬午順天舉人唐王

立授福州推官進兵科給事中魯王監國授左僉都

御史桂王至滇遙授左副都御史卒於臺灣有幾社

六子詩集交行詩集

陳忠裕集周徐輩六子皆與余同學詩者其才情雄駿用功深微十倍於余然覽其詩可以涉獨立而

儷古人居詩話先不數篇耳

靜志居詩話先不數篇耳

與臥子彝仲勒向輩六人倡幾社於雲間切劇今古文詞傾動海內既而乘桴遠引騎鶴重歸矢詩不多

類有身世之感

辛籤卷九下

二

入版圖及鄭氏啟疆老成者德之士皆以避地往歸
之而公以江左社盟祭酒為之領袖臺人爭從之遊
公自歎曰司馬相如入夜即教盛覽此平世事也而
吾以亡國之大夫當之傷何如矣至令臺人語及公
輒加額曰偉人也嗚呼明季海外諸公流離窮島不
食周粟以死蓋又古來殉難之一變局也幾社殉難
者四夏陳何三公死於二十年之前公死於二十年
之後九原相見不害其為白首同歸也
松風餘韻先生與陳夏諸君為幾社盟主乃正申文
選幾社六子詩外罕有存者豈身蹈東海盡問諸水
濱乎佳句如君子行秋風多辭葉激波無安鱗悲哉
行壯心不在骨安用千金裝古詩詠懷浮雲不盈掌
白日為之陰江南曲皓腕約錦帆笑狎輕煙裏咏史
黃金生羽真瘡病安足論田家詩涼風帶曙星夕陽
接煙火秋行雜詠路入蒹葭細江從草樹低雪後渡
浦雨餘潮氣白燒盡草根青何可多得

梅南草廬

日暮南園色孤亭萬木中落花時渡水怪鳥急呼風人靜蜂
聲出巖深草氣通惟餘高閣恨猶是掩殘紅

舟行諸大澤書所見

蓼花初起白蘋齊行到荒村古墓西樹裏雲深疑渡鶴湖中
日午不聞雞蒼蒼野廟飄殘瓦白白圩田覆淺泥過客莫愁
頻失路近前猶颺酒旗低

路振飛一首

振飛字見白曲周人天啟乙丑進士除涇陽知縣徵
授御史以事謫河南按察使司檢校入為上林丞屢
遷光祿少卿擢右僉都御史總督漕運巡撫淮陽加
右副都御史唐王立拜左都御史加太子太保遷吏
部尚書兼文淵閣大學士汀州破走居海島赴桂王
召卒於途贈太傅諡文貞

重陽後一日步韻

勝日登臨望楚南一天風雨隱浮嵐酒逢佳客頻移坐憂到
關心屢罷談客散鶴雞呼引徑醉餘叢菊倚清酣光陰易逝
行難滯待到明朝日又三

堵肩錫

一首

肩錫字仲緘無錫人崇禎丁丑進士除南戶部主事
長沙知府福王時遷湖廣參政唐王立拜右副都御
史巡撫湖北進兵部侍郎總制諸軍桂王立進本部
尚書兼東閣大學士封光化伯卒於潯州贈潯國公

諡文忠

田按牧遊身丁明季支持殘局所部軍士皆叛將降
卒驕橫不受約束崎嶇盡瘁以死雖規爲未盡含宜

然其志亦苦矣

宿菰川僑居有感

湖山不改舊風流萬頃波光照荻洲聽我好吟當日句懷人
芳草積天愁半生蕉葉難爲夢一樹梧桐忽到秋大笑開言
原不易傾尊莫負故人留

章曠

三首

曠字于野松江華亭人崇禎丁丑進士授沔陽州知
州擢湖廣僉事遷副使福王時進五省監軍唐王立
擢太僕卿遷右僉都御史提督軍務桂王時進兵部
侍郎再進尚書加太子少保武英殿大學士卒於永
州諡文毅贈華亭伯有詩集一卷

王夫之承歷實錄何騰蛟開府堵胤錫解學政勤王
傅上瑞久攝巡下湖南均與諸帥周旋章曠屢革削
望尤輕諸軍帥不知有曠及受監軍之命從胥隸數
十人盡慮與謀興復諸將皆感動時將窺兵驕不知節
制王進才郝永忠尤以新附猜暴大掠巴湘間曠既
得諸將清心申約束斬如法諸軍乃歛手聽命隆武
二年將清大舉從間道窺湘陰曠禦於潼溪自江南
始用兵以來與清兵合戰仍得捷者自曠潼溪之戰
錢邦芭集章華亭與督師何公總督堵公戮力三楚
思挽天命於既去之後難矣章公最得將士心
朝暮與同甘苦故能悉知其難否情偽而駕馭之
以樂為之用而不取欺何公雖秉重權實倚章為重
凡內外兵事皆稟章策何受成而已已時徵兵入川
輒徬徨失措未幾何果以失助不支竟用身殉
南窗漫記河山無地求弓劍臣子何心飽稻稔滅絕
耳根猶有恨破除心事倍多情章文毅公守湘陰時
作也見之巴陵李天王扇頭天玉公門人攝臨武令
城陷死之
田按明季朝廷水火以至於亡至章公支持殘局安

輯楚北京山楊文薦曲周路振飛皆一時名臣與章
為難幾誤大局君子與君子相配真不可解惟何公
雲從深相委任暨公病卒而一敗不復振矣

別張子建

秋氣日以悲大路日以昏行行昧所止居者出無門去年子
先去今年子獨存高車荒惻惻子甯無所言攬袂不能盡夢
與淚俱吞人生努力別數載安足論

雜興

道路自遠關山川繚結之僕人金鑰佩邸市紫霞厄水氣連
荷味蟬聲切樹枝小憩心魄悅杳杳更何期

晉山九日病中

物慘雲愁又節辰兀然天地大江濱愛親燈火尋鄉夢強插

菜萸感客身風雨不多登覽廢愁思無厭酒杯頻年年此會
皆山水臥病蕭齋羨健人

李長祥一首

長祥字研齋達州人崇禎癸未進士選庶吉士福王

時改監察御史魯王監國以右僉都御史督師加兵

部侍郎有天問閣集四卷

結崎亭集外編研齋喜言兵獻賊從橫蜀中研齋練
鄉勇躬環甲冑以助城守自癸酉至壬午賊中皆知
有研齋名癸未選庶常時沈自彰任吏部方蒙上眷
薦之謂當援劉之綸之例破格不次用之使備督師
之選或問之日天子若果用公督師計將安出研齋
歎曰不見孫白谷往事乎今惟有待請便宜行事屏
鈔不寓目即有金牌亦不受進止待平賊後囚首闕
下以受斧鉞耳聞者吐舌而里井研為首輔欲引
之為私人研齋不可故不得召見賊且日偏研齋上
疏請急調甯遠鎮臣吳三桂以兵拒戰都城下有新

進士袁詒者具將才可令輔之而令密雲鎮臣唐通
與臣從太行入太原歷甯武雁門攻其後首尾夾擊
賊可擒也思宗下其議未定密雲帥已至詭請守居
庸關則放賊至抵昌平侍郎上疏請急令大臣輔南
子出鎮津門以提調勤王兵皆不果行而京師潰南
奔改御史而南中又潰起兵浙東監國又加僉都御
史督師西行而七條沙之師大潰研齋以餘眾結寨
上虞之東山與張翰煌言王職方翊且屯且耕監
軍華夏者鄞人為聯絡布置請引翁洲之兵連大蘭
諸寨以定鄞慈五縣僉議奉研齋為盟主刻期將集
鄞之謝三賓告之縣僉議奉研齋為盟主刻期將集
受何殺忠臣輸款期縛大兵急攻東山中軍汪彙者已
奈何殺忠臣輸款期縛大兵急攻東山中軍汪彙者已
至甯之奉化依平西伯王朝先朝先朝先朝先朝先
於夏蓋山入朝監國請合朝先朝先朝先朝先朝先
翁洲衛張名振不喜襲殺朝先朝先朝先朝先朝先
潰亡命江淮間總督陳公錦得之京口都統金礪巡
道沈潤力主殺之陳獨不可釋之乃居山陰澗谷中
尋遊錢塘大吏終日以為不可測安置江甯總督馬公
陽禮之而終疑之日是子然者誰保之研齋微聞之
時江甯有閩秀日鍾山秀才者善墨竹容色絕世乃
娶之總督私謂人日李公有所戀矣未幾乘守者之

怠竟去由吳門渡秦郵走河北遍歷宣府大同復南
下百粵與屈大均處者久之天下大定始居毘陵築
讀易臺以老焉

秋懷

江上烽煙正暮秋石城涼雨入高樓金山雲暗天方醉滄海
星飛水自流白下露催園菊老紅橋風送井梧愁老夫起舞
恆通夕不待荒雞已白頭

戴重十首

重字敬夫和州人貢生召試第一除湖州推官大

兵下湖州起兵復城戰敗中箭洞腹走鷹阿山中創
發死有陟岵吹篴鍾山橫望姑谿陶窳石臼茗雪間

北山師陶等集

蓮鬢閣集敬夫詩磊落孤憤凡所為流離顛沛國難
家愁與夫鬼號發燉天荒地沸之景森森烟烟在人

劉城中嶧桐集敬夫有古學敦行誼不苟同俗余與交
十餘年道義相劇如一日乙酉四月挈余同避兵轉

徒至湖州余歸而敬夫有所事遂中箭洞腹乃薙髮
為僧卒以創死

張自烈芭山集敬夫詩感時諷俗為多以視西臺慟
哭異世同揆

湖錄重有北山集中有憶在吳興七律悲歌感慨清
見平詞

感舊集補傳敬夫甲申後遜迹河邨嘗絕粒不死臨
終作絕命詞秦澗泉大士記其二云平生不願垂床
死今日甯知死臥床武是便宜兒女子不將馬革走

沙場古人詩癖兼吟興只頌梅花又菊花兒孫能種
盈谿壑春雪秋霜纔是家
自靖錄戴重同諸生韓繹祖王光祉布衣金有鎰等
起兵太湖復湖州府城及兵敗箭洞腰脇賦絕命詞
云河村柳樹碧如煙父老留根三月十九日與客登山
泉石候到春深巢杜鵑前年三月十九日與客登山
披髮號選得山空人絕處好挑山茶酌溪瓢難言五
月傷心事九鼎云亡又未知莫翦孝陵陵上柏童童

萬壑倚天枝
田按敬夫詩心苦語硬師陶一集稍覺和平而艱苦之音彌復滿紙是以柴桑心事為西山痛哭者

學歸田園居

以下四首和陶

余從先父自河邨入城二十餘年矣舊歲狼狽奉母復歸焉輒行役去不獲晨昏者又將一年今乃退息省罪於此時從諸父兄視田園永言以歎

父兄授經史遂不事南陌復然歸故田徙倚意不適春秋疾以周朝不謀終夕寒風淒人心修身貴無隙拙耕未免餒俗學人所役伊召亦固窮乃有殷周績苟不自黽勉三歎復何益

學和劉柴桑

石頭城春上

西山石頭城獨行且躊躇未慣操南音不敢從羣居高豐從橫出細竹迷卑廬大江城下流東山城中墟春郊懷老農終身事菑畝何為狹邪子醉飽還言劬苦樂雖致殊已復化為無一身有齒髮與我迭親疏黃鳥東南飛長松立斯須蚤齒遊京城壯歲良不如

學責子

四方遂多事虛名以亡實干戈不祥器將復易刀筆總角憐汝小起處無嘉匹貧賤不能守富貴豈有術汝父壯已老十策失其七况才不父若履冰慎栗栗昨遊在鄉里所遇多異物

學詠貧士

天地高以博馮生羣依依風雨爲寒暄日星爲陰暉秋草各
垂實春禽相奮飛斯人邈無求朝出暮言歸衣食恆不足未
嘗知寒飢時俗事富貴冲冲心孔悲

始至姑谿假憩逆旅作苦寒

老骨山澤癯入市畏且慙腰強不能屈舌鳴不能吟乃與屠
酤兒父手相二三邱木在江北藏書棄山南羣盜破我家食
苦以爲甘鬢髮盈尺髮冬落不可簪室亡提甕妻牀留覓粟
男秋風一頃豆聚噉餘幾甌低頭傍人戶柅車聽喃喃蝸牛
背負廬書壁自爲耽立蠅銜厥卵封沙不云貧所求僅容膝
旬日無所堪暮寒朔雲急白霰長鬢鬢裹飯無我吁解衣臥

一舁小兒未解事搗蝨時親譚痴女那敢嗔僵曲如冷蠶北
風自惻惻長夜自潭潭幽夢千里飛騏驎安足驂從橫意未
已鷓起城鐘餽賴有匣中劍拔舞敲其鐔左迴大江流右拂
青山嵐白非履躄危世事且弗諳

釣魚臺

青山殘白骨西日到東谿石臼魚來少天門雁去低梅花開
始折藜飯裹誰攜共說東風好窮年客未栖

不雨

獨夜瞻雲漢寒裳涕泣然山東且羣盜江北況無年母老危
巢破交貧舊榻穿可憐今日事但覺古人賢

送劉伯宗應徵

篇首窺塵海抽思在遠天書生多好武廟算亦求賢頗牧年
猶壯伊姜事偶然含宿秋浦月未許抱經眠

南京客舍

十載蕭條折角巾只隨短髮走風塵壯遊客散詩名廢儉歲
兒飢斗酒貧銅并江邊鴉聚雪瓦棺閣外柳迎春閒愁已足
消長夜况說黃河虜騎頻

歸石曰

雞籠山北孤雲客石曰湖東近水家到處結巢同燕子逐年
種樹是桃花

錢邦芭 三首

邦芭字開少丹徒人崇禎諸生唐王稱號除御史桂

王時遷副都御史巡撫貴州孫可望入貴陽棄官削
髮為僧號大錯

蕙鄉養筆偽秦王孫可望雖陽奉承歷誅殺任意一
時廷臣皆收為腹心有禮部主事方于宣者擢編修
詔事尤甚為可望撰國史一書稱張獻忠為太祖作
儀言帝星明於崇禎帝為桀紂又為制天子鹵簿定朝
敗投歸星本朝于宣自書勸進後可望為李定國所
守死抗節為人心所歸方知禍及時有錢中丞邦芭者
截擒可望以報國邦芭度竟成虛秦宮火後收圖籍猶
當年筆削餘帝星井度竟成虛秦宮火後收圖籍猶
見君家勸進書未幾縛至滇竟得逃死
黔詩紀畧錢邦芭字開少福唐桂三藩稱號時由中
翰歷都憲桂自粵移安龍開少為黔撫孫可望入黔
自置官屬遂居餘慶縣之蒲村避焉開少又關柳
湖於村之他山下自號他山湖大可百畝中有七十
二泉旁大柳數百章結廬臨之命曰小錢塘命湖隄
日桃源橋曰宛轉舟日恰受四方隱流聞風麋至采
幽嶺勝終日嘯歌或聚邑人土講學播北水西有千
里負笈者孫可望索之急遂祝髮號大錯和尚稱柳

湖舊居為大錯菴蒲村舊居為小年菴小年其祝髮
處曾居數勇衛潮水寺更名知非菴故又號知非居
士永明亡又居滇之雞足山久之走衡嶽終老

還山

忽然出城郭遂見無數山散步隨雲適輕身趁鳥還遙知隱
淪者待我泉石間乘月浩歌去柴門應未關

野寺

野寺雖荒僻祇園在此閑栖禪雙樹老洗盃一身閒佛古燈
常寂鐘殘鶴未還經過塵慮淨何必掩松關

晚步益孟菴

泉聲何處急落葉滿溪梁燈影明虛殿松陰冷石床茶煙山
翠合花雨屐痕香回首歸鴉亂干峯遞夕陽

明詩紀事

貴陽陳田輯

辛籤

邢昉 五十五首

昉字孟貞高淳人崇禎諸生有石日前集九卷後集
七卷

顧夢游茂綠軒集孟貞所尚在大祝蘇州隨州考功
間上湖顏謝旁及郊島涵泳久之駸駸成家矣
漁洋詩話余最許石湖邢孟貞五言詩以為韋柳門
庭中人悵未及友其人官祭酒時鄉人李君令高淳
特屬訪其子孫李至訪之則老妻稚孫煢煢孤寡饘
粥不繼李脫贈三百金為置腴田其家竟不知余意
也施愚山聞之造余再拜曰某交孟貞三十年不能
郵其後人之窮公與孟貞未定交而能郵其身後令
不凍餓以死某愧公多矣至為流涕
池北偶談順治辛丑李退菴過揚州余造謁舟中因

辛籤卷十

論近布衣詩舉程嘉燧吳兆退菴日終須還他邢昉

施閏章愚山集孟貞詩以陶汰為工以冲淡為則以

婉側悲涼為致其企而之峻潔也若病暈者之思清

洽其厭穠縟而引避也若見泥豕而負塗而紈袖之

蒙糞士也故其詩清越無纖埃人病之為郊寒島瘦

不恤也觀其所長則既與錢左司劉隨州伯仲矣孟

貞嘗謂余曰劉蓋今人面皮斯成古人讀其集信然

宋榮西坡類彙孟貞詩清悲壯山峙雲涌多温厚

之遺無怨詆之失具體少陵而出入韋孟錢劉以發

其菁華才兼眾體誠名家也

田按孟貞論詩謂漢魏不可為唐人惟不為漢魏故

能臻於極孟貞五言取徑唐人而時涉柴桑籬籬以

幽秀淡宕為宗得儲章之自然兼韓孟之刻厲明季

布衣詩邢昉第一狗為確論

夜宿石門

越山青至天越水綠如玉霽霞盈一溪落日絢幽谷緬懷古
昔人結綬膺良牧沈涵山水遊放浪石門宿顏色不可見思

踏嶺上躅風榛寂遠聽磻戶引高矚一宿詎能忘歷覽亦已
足霏霏巖下泉飲啜共野鹿

雜詩

幼安昔避地茫茫涉廣川踰海不謂遠一去四十年往往談
名理疊疊造深玄問所與談誰乃是公孫淵口罔論世事聊
此相周旋龍德既無損清風久逾宣生世偶相符其當師此
賢

和汪希伯雨後田家作

涼雨霑禾黍晚風亦徐生林木發華滋乃得佳樹情老農朝
荷鋤忻茲茅檐晴出門既有事仰見浮雲征孤雲有卷舒予
亦鋤且耕

上翠微嶺訪煉丹臺三皇井觸熱至白雲菴是楞嚴安
禪師道場

曉煙開眾壑嶺表延炎暉訪古荒臺下軒皇迹已微井渌尚
未改精廬開雙扉冥冥麈境杳杳人跡稀昔聞道場鼓花
雨飄一圍世外猶窈窕白雲空霏霏

由立通洞至梅雨潭觀瀑

出洞逕已絕恍惚迷所往仰觀石壁峻近見數峯敞猙獍伏
兕守使轉騰猿上砑鉤梅雨潭素雪霏蕭爽岸開一流奔氣
冷浮雲滌乍疑節候殊更疑天地廣回轉得前路始聞屐齒
響笑謂同遊人誰能共俯仰

游墅乘迅風一日至嘉興作

江路忽綿邈惆悵東風前微茫歷吳縣水上開寒煙夜潮漲
溪綠夾岸桃花然雲昏天欲雨一鳩鳴桑田越溪轉空朗百
里輕洄沿新林吐微月晚色猶澄妍孤舟正寥落况復聞扣
舷

龍友置酒江心寺避暑與無補各賦五首

錄一

蕩舟入江嶼輕燒撥淺瀨羣木秀高岸倏與長風會東南渺
何許曠然白雲外至夜海色來蕭條有餘慨

段橋

橋北峯巒翠橋南泱泱春因看外湖水分映六橋人煖日縈
絲柳微波裊細蘋海雲遙聚散寺閣迴嶙峋鳥度聞橫遂魚
驚避采蓴沿流去何所杳杳落花津

泛甌江作

南登仙人巖載汲三皇井既以思遠古復此懷幽屏熒熒巖
下芝可以駐迅景兕虎相叫噪欲采道路梗朱鳳饑不食粟
麥延鳧頸人寰不可處悵望三山影

古興二首

北風捲枯蘄飛鳥各斂翼陽光忽西墜奔獸向我擲凝寒盛
肅殺萬類莫能息我胡亦復然東西事行役道傍有死人已
供烏鳶食生者不自保徒爲死者側

漢道昔再盛投戈息羣姦矯矯梁夫子浩歌乃出關舉目覽
四海忼慨涕潺湲我方遭世亂安能辭險艱常恐白日速不
覩大運還永隨霜與雪泯滅蓬蒿間

由金壇過見末田舍作

五載隔君廬依依辨林木帆帶甓橋煙舟行石塘曲扣戶寂
無人荆扉日日關髻山雨初暗長蕩水如環雨多林氣溼薄
霽開清晝開扉指稻田伏几看禾秀聞君時抱犢旦夕爲甕
殮菁藪幾時斷中男昨歲婚雖復少饘粥新詩每逾帙舒卷
自悠悠孤雲澹無迹

五平五仄體

空林雲方生廣澤月已冷松間通微明露下溼練影枯榛聆
鳴蟬隔水見繫艫孤懷終沈沈永夜不復整

憶兒詩

汝生初墮地我遊五茸城三月始入門聞汝呱呱聲從此更

遠邁越嶠東南征三爲象浦客六傍惡谿行在遠日何多在
家日何少屈指幾度別垂髫忽已好三歲別我時門前牽我
衣宛轉學人語問我幾時歸四歲及五歲別我涕能揮七歲
差解事鞠躬步庭幃去冬復別我含悵扣所如本言渡江去
卻寄白門書今年汝九齡毛詩誦曹鄴翩翩過父友再宿傾
肝肺前月有書來頗與人意會世亂我已老我衰汝始大如
何久契濶喟焉發長嘔

別介立上人

東林黃葉遍返景臨幽境入山鳥始樓開戶迹逾靜釋子終
日閒晏坐冥真性客至方下床齋餘忽聞磬因投塵中語不
忘別時詠露下鐘猶飄林中風稍勁我耕湖浦田子有雲山

興他日遠相尋何方正禪定

閒齋對雨

本非習世務時亦涉紛糾茲晨適無事展書對虛牖涼雨灑
平野輕風颺高柳旣已盪煩蒸又以霏田畝志氣方自怡耕
作庶無負稍知是日閒但覺爲時偶平生諒如此於世復何
取

雨中作

季夏始苦燠形羸憂未央滂沱對簷雨始覺絺綌涼庭柯洗
衆綠瀟灑映虛堂而我中所懷遠在葭茨鄉新苗眷嘉澤溝
水生菰蔣衡門俯眄隰開戶時相望歸歟豈必晚庶及此登
場

陽邏泐

巖舟陽邏泐紆步陽邏寨壘石儼城堞禦暴有深戒頽牆幸
未隳猶是楚關隘荒墟眾莽遮數戶殘陽在遠適棄柴荆乍
歸理畚箕新穀始舂糴中雜稊與稗瓜青併芡紫稍稍已充
賣昨過武昌兵驚奔如避蔓吁嗟麻城賊復屯百里界父老
一二人問答形羸憊其言絕酸苦兵賊迭逅避破廬雖暫息
終亦成于邁且暮此偷生吞聲死茅蒯

冬日同徐州來崔季韞莫愁湖眺望

霜霽天更清眾潦縮而小澄泓莫愁湖微波猶淼淼演漾餘
水木彷彿動寒藻耦勝樂嘉招出城卽幽討閒亭息游侶煖
日逢魚鳥乍憩慮已遣躊躇魂復悄回思四海晏樓閣此中

好風景豈復有世事久紛擾峨峨滄涼山黃葉落漸少蕭條
亦如此雲煙互繚繞

哭胡印度

眾人各貪生同盡靡不然君已祛斯累憑化聊忽遷哀樂復
何有顧余未能捐銜懷追往昔再歲逾縣縣茅茨儼虛位殯
宮屋西徧遊塵積素几零露被荒阡貧巷氣悽惻潦縮無流
泉生死豈云隔徒悲化者賢

傷于子桓

積雨動離舟門前秋水次別緒已含悽緘書更徂歲書中吐
亮辭於世無多意思憶平生懷躊躇熱肝肺蒼旻何其悠白
日忽西墜人生如春冰一泮成東逝日夕茅嶺遊相看隨悲

淚於世無多意
子相書中語

梁山

宵泊蘆洲月枕上聞潺湲雞鳴峭帆起洲勢多迴環開牕眺
前浦忽見西梁山蒼蒼朝靄裏演漾晴波間東梁相對出蘇
壁儼如鬢翠削類中斷絕頂殊可攀凌風去何駛聊得舒心
顏不及巖頭鵠終年巢松關

離漢口

旅舟泊漢水荏苒至寒節朝看楚雲興暮觀楚雲滅此地雖
破殘井術稍成列銀鱗日充市食鮮每豐潔客心復何苦遇
物轉淒切茲辰忽返樞脈脈情內熱風土漸相諳山川屢迴
折故鄉豈不懷信美亦愴別未逢漢陰老令我憂思惓

遊招隱寺有戴顓遺迹

東郊草色徧出郭路已緬登頓窮迴蹊屢覺前山轉招提頗
闐寂滿徑惟蒼蘚一與人境遠驟矜塵累遣撫跡想曩賢幽
林此偃蹇當時動萬乘於道能舒卷澗芳始馥郁石溜彌清
淺白雲復層層徘徊度遙巘沈冥逾千載礪戶欣來踐窅然
巖谷間日入更遊衍

答葛士元寄書

憶與君握手句溪清且嘉平燕來燕子野寺開桃花衝雨過
鐵澗曲折尋幽遐豈惟誇水木亦以眷桑麻甯料轉盼間世
變浩無涯此地竟流血鋒鏑逐龍蛇荏苒別三載簸蕩風中
沙寄書感疇昔聚散同飛鴉翩翩稚川孫戟髯鬢未華一水

渺相望漠漠春雲遮著書且努力勿遽事丹砂

雲間西還別陸集生

陸生昂藏二十幾聲名颯沓如流水太華鋒高五千仞文章
突兀奇過此家在吳淞水涯迴眸顧盼光成霞少年生長
三公里數世易奕尙書家尙書風節古希邁有子立朝少司
寇父子兩世皆蒙恩陸生腰下無寸綬甲第聯雲讓季昆郭
外流泉空在門門前流水東入海往往人號平原邨白苾城
中足風雨獨共陸生相勞苦鶴唳秋關島上煙雞鳴夜聽樓
頭鼓相思千里何閒關前人陳迹猶班班黃歇尙餘鴻雁浦
吳王剩有干將山陸生氣岸真輝赫上策十年仍落魄貧賤
人看白面郎功名誰識斑駁客三載東來碧草芬一朝揮袂

有離分莫愁湖上徘徊月揚子津邊無限雲我去五湖惟蕩
槩白鷗茫茫日更往欲寄迢迢海岸書鯉魚一尺隨潮上

太白山人

太白高高西矗秦人言山人爲秦人一生放浪入吳越玉質
曾不涴風塵縱心羽化事服食丹砂恍惚輕千春亦復高歌
中宮徵松風瑟瑟蒼崖裏仍諧位儷衣薛荔服食求仙事皆
已山人氣勢亦罕比咄嗟頡頏何與李門前車騎丞相來海
上遙看赤雲起嗚呼太白之峯安可攀遠遊未厭辭人間茗
花如雪傷頹顏千秋突兀道場山

海雲歌送方爾止由雲間返白下

海雲迢迢倏飄忽白門歸客愁不發芳蹊碧樹遶吳天桂楫

蘭橈蕩秋月君家甲第何蟬聯桐山秀出接龍眠弱冠聲名
起江介片言落紙飛雲煙平生少孤亦坎坷脫畧繁華厭尾
瑣讀書已破一萬卷作賦談兵無不可十載桐城戰血斑峨
峨白骨成邱山登陴授甲何慷慨指麾破敵如等閒君抱奇
才遭世難長髮衰頽常岸賭墅何當笑謝安從軍不得同
王粲孤舟鼓柁滯江皋感此踟躕心鬱陶酒邊落落歌長鈇
腰下時時看寶刀酌酒與君勿嗚咽古來才大轉愁絕前年
避地長干居一回又向江門別江門落日水悠悠黃浦潮生
逐去舟相思鐵甕城南夜獨倚危檣看斗牛

觀楊龍友畫山水册子董宗伯書跋作歌

楊子性癖畫山水胸中突兀眼中起巒壑窮窕煙霧生倏忽

風雨如在耳手拂絹素神已通耳目不御遊鴻濛鴻濛以前
未有此此時突出真神工我觀此册凡十圖千流萬壑態各
殊桃源輞川久寂寞雲門若耶胡爲乎誰言此境世所無彷彿
廬岳疑衡巫楊子產夜郎山水天下絕牂牁以南峯插天
一一寫出森嶽嶮畫家惟取胎骨奇細論流脈良足噉平生
所好或彷彿氣格頗似黃大癡梅花道人亦其亞一二迫肖
非追隨武陵楊公楊子師擊節愛好渴且饑十年購得萬松
卷縹囊什襲如鼎彝妙手董宗伯駕軼文與沈歎息展此圖
摩挲盡題品此圖在世珍璠璣況有淋漓宗伯書楊子腹中
書萬卷四十公車惟破硯爲我且埽一疋絹明歲長安見天
子放筆一揮大同殿

題楊曰補所藏楊龍友畫雲山圖

君家堂上開雲煙乍披忽覲心惘然畫者何人此好手故人
已沒今五年故人昔爲永嘉宰謝客山川宛相待仙巖谷口
睇煙霏玉甌峯頭眺雲海往往揮灑作畫圖巖巒突兀茅堂
孤卽如此圖極瀟灑松風彷彿聞笙竽斯人厯落多情興君
與結交非異姓繪事同誇楊契丹兩家筆迹堪相競寫罷遠
山偶未閒君爲點染巔崖間圖成價已等尺璧摩挲涕下空
潺湲生前粉繪人爭取死後聲名尤冠古可憐埋骨竟茫茫
四海九州無寸土憶昔爲我一揮雲山小屏幃縹緲龍湫與
雁宕正與此圖相頡頏吞聲想像一惆悵

過羅刹磯

漢陽江邊一月坐船頭乍撥西風簸五日已渡潯陽江小孤
娉婷浪中過昨日狂風忽東轉舵折檣欹太偃蹇三宿始泊
李楊河蘆黃沙白潮痕淺數戶蕭蕭破屋扉黃昏月落雁飛
飛曉來舟子俄相報起看江心羅刹磯

銅雀臺

魏國山河在雄圖勢已休漳河遙入海大陸莽生秋井幹空
遺恨君恩不可留誰憐歌舞罷松柏晚颼颼

王昭君

漢宮回望絕青海路透迤一曲琵琶語千秋羅綺悲逝將黃
鵠侶沒向紫臺陞怨結胡天月悠悠無盡時
周勃甫從新安還雨中過訪賦此

行李投于越過舟喜扣舷夜潮初過肚夏潦卽稽天少室千
峯思滄江一雨懸茫茫各辛苦去逐海門煙

勒占去歲遊中
州時將與予先

後往白門也

送宗遠入燕

江流渺不極帆影復重重國步方求駿天心豈卧龍離人揚
子渡愁思廣陵鐘無限雲山隔依依柳上峯

晚過三山宿大勝關

峩眉亭上月忽在數峯西始見漁梁火因聞關店雞維舟三
戶少吹角片雲迷自古江南地詞人賦慘懷

亂離詩贈黔僧利根次潭吉韻

故國兵戈地風雲尙覺昏亂離思舊鬼驚定住新魂行世已

如葉言愁別有根三年蠻海淚猶記昔成痕

與九信至招往園中賦答

聞說長林下淒清祇似冰言招麝性友如對鶴形僧竹色涼
舒履桐陰安曲肱此時延任意切但諒難勝

送九水還廬山

江舟彌不易此日見朝霜書寄他僧去路因寒月長彭蠡一
衲遠雲霧六朝荒數雁煙邊沒離心愈淼茫

閩門遇穆倩因訊僧彌

一逢荀奉倩吳市此相同結客向滄海吹簫滿碧空水浮鶴
澗綠花映杜鵑紅爲問借遊者誰如臯伯通

上巖子陵釣臺

已躡千秋跡因登百尺亭潮生兩崖碧天入眾峯青獨戍嘯
江鳥孤槎訪客星長思人代裏幾得此鴻冥

游城南栖霞寺

水際沂洄去溪橋亘眾流嵐煙仍自合荷芰稍能幽破壁饑
麕集殘柯倦鳥投賴因松雨細一灑盡煩憂

歲暮行經七里瀧

入瀧投暝色瀧盡復煙霏極浦桐廬縣天空出翠微鷓鴣浮
凍港沙岸動朝暉愁思當窮臘皇皇獨未歸

雨中遣悶

三載來甌渚滂沱釀夏寒因憐江鳥熟已作越人看閒卧施
桃簞清羸岸葛冠仲宣今有賦歎息滯荆蠻

和祖心上人遊城南方正學先生祠

寂寂荒祠野靄昏蕭蕭殘碣倚松根金川門又成亡國石子
岡偏欲斷魂昔日麻衣慚叔父于今青草失王孫廢興自古
須臾事獨有先生戀主恩

過齊尚書祠

尚書祠下千回過此日沾巾淚未休蘋藻已荒兵燹歲江山
忽似革除秋真人一姓猶甘死流水孤城何限愁寥落空庭
惟繫馬井欄摧折斷煙浮

別爾止發舟往越中

驪歌惆悵莫愁湖二月江城酒共沽採藥謾尋春草去披裘
還似客星無行追碧澗雲門近轉憶青山皖伯孤千里迢迢

楊柳色令人揮淚聽嘯鳥

送趙孟遷往天台因還山陰

赤厓障天白日冥木葉四落黃滿庭一客獨往賦窮鳥五侯
誰愛分嘉鯖剡溪西歸窮夜壑屋水東下揚曉船石梁玉龍
冰欲結回望括嶺何青青

立秋日晚登丹陽城樓

古堞崔嵬映碧流長江萬里一含愁城邊月出還聞角水上
雲來始見秋鴻雁幾時穿塞路白蘋無日不汀洲丹陽郭外
萋萋柳夜送潮聲到石頭

與高座寺介立期登木末亭未果

寺外高崖積霧凝遙憐風雨不同登坐看雲氣流寒堞欲遣

塵機對病僧九日乍聞連雁過千秋還見大江澄蒼梧近在
鍾山麓愁上孤亭望舜陵

黃州寄杜于皇

葦岸風淒日漸微長隄繫艇晚依依十年紅樹辭鄉去八月
黃州見雁飛燒罷林廬殘址在戰餘茅屋幾家歸翻憐此夕
君思我揚子潮回木葉稀

漢江懷古

此共方城扼楚關英雄消盡逝波間微霜欲下漢陽樹落日
初銜大別山蘭杜秋來洲尚綠瀟湘南去竹多斑燒殘崔顥
題詩處一眺風煙倍慘顏

九日大別山登高

鸚鵡洲邊草盡黃白沙如雪禹祠荒古來哀怨多歸楚此日
煙波正望鄉山翠乍連杯酒色亂離頻過幾重陽眼前不見
茱萸紫起傍峯頭數雁行

錢塘潮

曉色千檣發危濤萬馬奔豈知此澎湃中有子胥魂

貞白墓

白日冲昇怪底遲因緣本草事堪疑茅家兄弟皆鸞鶴御見

先生墓有碑

橫塘曲

江宿鴛鴦浪宿鷗芙蓉零亂木蘭舟白蘋渡口橫塘女箇箇
生來字莫愁

錢澄之二十首

初名秉澄字幼光避禍削髮為僧名幻光復冠帶改
名澄之字飲光桐城人崇禎諸生有藏山閣稿田間

詩文集

徐乾學澹園集飲光先生自甲申變後南都擁立新
主姦邪柄國羣小附之濁亂朝政而為之魁者其鄉
人也以夙負盛名之士慷慨好持正論與鄉人廷及
其得志修報復固欲得而甘心焉刊章捕治將與大
獄於是亡命走浙閩又自閩入粵崎嶇絕徼數從鋒
鏑間支持名義所至輒有可記
韓莢有懷堂集飲光少負盛名為諸生祭酒遭明季
崎嶇喪亂與時消息其用至妙未易窺也其為詩冲
淡深粹出於自然度玉孟而於陶矣
靜志居詩話幼光禁網潛蹤麻鞋間道或出或處或
嘿或語詩屢變而不窮要其流派深得香山劍南之
神髓而融會之牧齋錢氏錄其作入吾彙集蓋深取
之矣昔賢評陶元亮詩云心存忠義地處閑逸情真
景真事真意真田間一集庶幾其近之

姚經三無異堂集飲光南渡時遭黨錮亡命流滯嶺
嶠歸則幡然老頭陀矣好飲酒詠諧放浪山水間每
酒後談說平生聲淚俱下時時吟詩不拘一格上有
漢魏下迄中晚隨興所至即為之古詩感慨諷諭婉
而多風真得古三百篇之旨
明詩別裁幼光自抒情性無意工詩五言似陶亦在
神理不在字句與高忠憲歸待詔所謂異曲同工者
也
徐璈桐舊集飲光集詩說曰詩有其才焉有其學焉
有才人之才聲光是也詩人之才氣韻是也
人之學淹雅是也詩人之學神悟是也故詩人者
不惟有別才抑有別學焉
田按田間五古擬柴桑七古擬張王樂府亦近香山
殘明逸老可與邢孟貞肩隨

田園雜詩

人生會有盡行止非自由止亦不可趣行亦不可留如何柴
桑叟汲汲為此憂終年痛飲酒冀以忘其愁吾身聽物化化
及事則休當其未化時焉能棄所謀有子亦須教有田亦望

收天心于人事何息不同流我不離世間而願與天遊焉能
外親戚視之同浮漚乃知黃老書不如孔與周

詠史

中原昔喪亂戎羯互塗炭共偷江左安坐看神州陷壯哉劉
宋公直上咸陽殿百年宿穢清天日重相見可憐秦父老壺
簞遍畿甸天下望風降拓跋不敢戰一朝棄之行急歸圖晉
禪關中自足帝方隅何用篡空使向化民再懼犬戎破功名
不得收古今一長歎

寄藥地無可師

風動知歲晚木落知天寒居人篝火坐各各掩其關言念藥
地翁一身棲廩山廩山在何所草屋八九間江右土氣薄况

經兵燹殘縕袍豈能溫粗糲甯可餐又聞終歲病鬢鬢不復
斑豈徒無與侶枯淡恐無歡念此不能往喟焉摧心肝

雜詩二首

步出城西門荒隄何逶迤衰柳夾隄植上宿鴟與鷓鴣路傍有
古廟入門樞纍纍借問此何人云是義士屍寄此頗有年親
戚不敢移中有慷慨士平昔心相知始志在捐軀臨危果不
欺旅魄滯曠野冤魂當訴誰徘徊不能去槍側傷肝脾

鬱鬱青槐巷中有壯麗居華棧耀金碧交憲結綺疏高樓臨
大道豔色照通衢昔爲富人宅今爲丞相廬行人不敢過過
者爲下車別去無幾時門巷忽荒蕪雙扉白晝瑣中有官物
儲問之丞相歿得罪身被誅妻孥遠戍邊籍沒無復餘識時

稱俊傑斯人計豈疏屈節以保身禍至還突如悵念平生交
夷滅何歎歎

贈胡處士星卿

榮榮畦中蔬孑孑門前柳畦以木槿藩門用桑樹紐茅屋入
蒿萊江聲通戶牖中有避世人言是東陵後多年不入城一
卷常在手客來問所爲良久乃開口有時還見招臨流一觴
酒

雞鳴有序

客寢不寐久之乃聞雞鳴感而作此展轉反側再成
諸作

冬已過半夜偏長愁人不寐獨在牀寒雞擁翰不肯叫老鴟

得氣山頭嘯山頭有虎何人行
偃鬼騎虎學雞鳴雞在牆根
鼓兩翅欲鳴不鳴時未至邨南
邨北聞犬喧雞未三唱勿出
門窗前山鬼大無賴低頭樹下
學人拜遙遙古寺打鐘聲一
聲一拜聲聲驚鷄鳴一聲天下
白千狀萬態從此滅

泥鰍行

人家堂坳水不乾疑有怪物
水中蟠田蛙無聲蚯蚓縮爭傳
此物頭有角老巫見之禮最恭
云是洞庭行雨龍作法燒符
請龍子雷火滿空龍不起不知
蠖蜴徑寸身亂打雪雹猶有神
旁人還恐變化去那知藏在泥
深處汲水取泥投江流蜿
蜒乃是泥中鰍泥中鰍何足怪
空使老巫朝夕拜

催糧行

催完糧催完糧莫遣催糧吏下鄉
吏下鄉何太急官家刑法
禁不得新來官長亦愛民那信
民家如此貧朝廷考課催科
重鄉里小民肌膚痛官久漸覺
民命輕耳熟聞冤號聲新
增有名官有限兒女賣成早上
縣君不聞南村大姓吏催糧
夜深公然上婦床

水夫謠

水夫住在長江邊年年捉送裝
兵船上水下水不記數但見
船來點夫去十年家門派一夫
生死向前無怨怒衣中何有
苦搜索身無錢使夜當縛遭他
鞭朴無完膚行遲還用刀箭
驅掣刀在腰箭在手人命賤同
豕與狗射死紛紛滿路屍那
敢問人死者誰爺孃養汝纔得
力送汝出門倚門泣腐肉已

充烏鳶饑家家猶望水夫歸

胡星卿茅屋歌

白鷺洲接大江濱牧馬兒來動成羣先生避世何處去合家
住近公主墳茅屋三間倚墳脚門戶欹斜草繩縛籬外時聞
樵婦喧樹下每有漁船泊先生田無一石租糊口祇賴青囊
書春深婦子競鉏菜水落弟兄公養魚可憐茅屋多年破五
柳陰中留客坐風雨淹旬不出門先生高卧舉家餓先生本
是公主孫當年駙馬最承恩駙象門西起府第至今基址宛
然存府基荒去墳園冷細竹寒花空滿嶺洗菜猶傳金水橋
灌畦爭汲琉璃井東川戰功晚始酬駙馬還蒙少主優靖難
師來家已破子孫旋失東川侯奪爵猶加主國號上書乞恩

無不報下降聞在高帝年間安尙覩英宗詔詔書累朝墨有
光龍牋寶篆枕中藏主家法物一朝盡樸素惟留駙馬床駙
馬之床樸如此想見國初俗不侈當時賜出椒房宮如今鎖
在茅屋裏茅屋相看幾度春終年抱膝不知貧叩門半是先
朝爵失路時憐帝室親先朝帝室復誰在茅屋栖遲人勿怪
君不見開平王後懷遠侯妻子負薪身種菜

湖孰種菜歌

金陵城東湖孰村中有隱者開平孫通侯甲第今日矣意氣
豪華無復存開平去今凡幾代五王之後惟君在往昔爭言
青門瓜如今獨數湖孰菜問孰種菜滿畦新一家生計只三
人終歲把鉏菜畦裏婦能炊飯兒負薪爲君婦亦大辛苦嬌

貴當年難比數程珈賜出小侯妻珠翠裏成上公女都人猶
記嫁時粧如雲妾媵爛生光臺前照鏡輪梳髻架上薰衣派
管香一朝散去竟何有相對惟餘雙白首早從府內厭笙歌
還向村中操井臼村中井臼倚柴扉賣菜還愁終歲飢夜長
不肯燃薪坐十指侵寒綻故衣東川子孫公主裔妻孥行汲
心常愧聞說君婦盡傷情無心更擬求奴婢

同左眠樵霜鶴遊碾玉峽因懷爾止

龍暝溪水自東來穿崖瀉壑如奔雷山腰峽澗不盈丈束水
水急聲喧逐水聲束急勢轉大噴珠跳玉不肯過激浪驚濤
晝夜爭一條飛下青山破左生本是樵牧羣振衣躡級欲凌
雲微我過水坐盤石對面大聲語不聞石頭坐久寒生粟柱

杖半染苔痕綠想見方公此讀書空山無人一茅屋卽今茅
屋已全傾竹刺藤稍繞徑生夜深或有精靈出月白應聞嘯
咏聲飄泊遙憐方仲子三十年來稱名士一生作客不思歸
好山好水棄在此

吳門晤姜如須令嗣奉詔有感

在昔同流寓姜家兄弟賢交深鉤黨日客散過江年梅福名
難變梁鴻噫不傳淒涼逢令子話舊淚潸然

山居雜興

糧事聞人說官徭果便農儻能減科派詎敢後輸供僧徒施
茶竈鄰求造酒傭今秋安水碓借與四鄰舂

過老鶴庵

野路通精舍山門對面疑客從林際下僧在竹間窺石磴到
須坐好房開始知師徒欣接待剛是焙茶時

田間草廬初成

柴扉不擇向只對遠峯開日月當門出江山抱屋來入林惟
少竹滿徑自生苔已訂牆東友求花密密栽

過曾庭聞蕪陰市上

自著緇衣萬恨平窮途遇爾轉傷情我從嶺外經年至君向
江南何處行瓢笠喜無鄉里識鬢眉猶使故人驚相持莫便
當街哭爲到郊原一放聲

卜居

板屋荆扉半欲殘梧陰入夏覆窗寒親除礙瓦藤千尺獨護

穿階竹數竿好客來多頻缺坐新蔬炊熟苦無盤朝飢賴得
鄰僧米欲乞朱門一飯難

寄吳梅村

秣陵煙樹已全空回首登臨似夢中祇課詩篇銷晚歲別填
詞曲哭秋風同時被召情偏苦往事傷懷句每工卻憶清江
楊伯起屢辭麻詔薦吳東

吳嘉紀三十六首

嘉紀字賓賢一字野人泰州布衣有陋軒詩六卷

四庫總目嘉紀詩風骨頗道通思亦復剗刻而生於明
季遭逢荒亂不免多怨咽之音
居易錄泰州布衣吳嘉紀居東陶苦吟不交當世子
見其爲五言詩清冷古淡雪夜被酒爲其詩序馳使
三百里致之嘉紀大喜過望買舟至廣陵謁謝遂定
交

汪懋麟百尺梧桐閣集野人家泰州之安豐場閉門窮居蓬蒿土室各所居曰陋軒終日把一卷苦吟自娛晚年善病或并日一食近海多暴風疾雨水涌數丈鹵地為魚塲人絕粒動稱凶年野人廬舍汚窪每歲水至常及半扉非甕盡場苦吟不輟其為詩工為嚴冷危苦之詞所撰今樂府尤淒急幽奧皆變通陳迹自為一宗近代嚴棲之作鮮有過之者鄭方坤名家詩少傳阮亭謂野人出遊後詩漸尖本色不終其為魏野楊朴今取其集讀之一卷冰雪文初終一我且野人晚節篤行潛修甘心餓死此其品概何等前說云蓋別有為言之也別裁詩集漁洋詩以學問勝運用典實而胸有鑪冶故多多益善而不見痕迹陋軒詩以性情勝不須典實而胸無渣滓語不真樸而越見空靈然終無名位人子持此論而眾人不以為然其詩具在試平心易氣讀之近人中有此孤懷高寄者否

翁履冰行

田按陋軒古詩序事得之史公沈痛得之少陵五七律俊爽亦不失為元遺山明末詩家可與孟貞抗行

老翁履冰手挈稚孫釜甌塵積貸粟前村村農穀富莫肯念故翁別倉庾踟躕歸路富人如虎顏色難干風壓河心骨重心酸翁泣語孫生無一可河伯應聲冰開人墮其子望見急遽來援欲引轉仆骨肉纏綿一閃三世齊陷波裏飛雁哀號無手救爾

李家孃

有序

兵陷郡城李氏婦被掠掠者百計求近不屈越七日夜聞其夫歿婦哀號撞壁顛碎腦出而死時掠者他出歸乃怒裂婦尸剖腹取心肺示人見者莫不驚悼咸稱李家孃云

城中山白死人骨城外水赤死人血殺人一百四十萬新城

舊城內有幾人活一解妻方對鏡夫已墮首腥刀入箭紅顏隨

走西家女東家婦如花李家孃不辱強梁手二解豈無利刃斷

人肌膚轉噴為悅心念彼姝彼姝孔多容貌不如他三解豈是

貪生夫子昨分散未知存與亡女伴何好髮澤衣香甘言來

勸李家孃四解李家孃腸崩摧筆撻磨滅珠玉成灰愁思結衣

帶千結萬結解不開五解令下止殺殘人生塞外人來殊似舅

聲云我故夫子身歿亂刀兵勦仆厚地哀號蒼昊六解夫既死

妻復何求腦髓與壁心肺與讐不嫌剖腹截頭觀者齷齪若

羊牛七解東家婦西家女來日撤營北去馳驅辛苦鴻鵠飛上

天鷲兔不離土鄉園回憶李家孃明駝背上淚如雨八解

挽劉昇

劉昇儀真人歛縣潘楚玉僕也楚玉性褊急少違意

輒捶撻無虛日昇不怨也楚玉母病昇割股肉和藥

療之楚玉死家業中落昇甞勉負荷為嫁女葬女楚

玉之子次璜稍長為娶妻死復娶家益窘昇筋骨

且衰矣乃賃於人力作以供幼主衣食盡瘁至死程

雲家哀之作義僕傳余賦挽詩

梁肉厭葵藿麻泉薄蒯管絲來棄卑賤志士復何言可憐一

寸草寄生桑樹巔不自知微細思欲底樹根身是主人身何

以能酬恩撻膚不怨數割肉不辭難所嗟門戶衰緩急日多

端精衛力已竭死喪海水旁洲渚雲徘徊哀鳴下鵝鷓在日

慢斯人鄉隣悔且傷剖石出美玉擘蚌露珠光體質雖鄙陋

今日見中陽

夏日題程梅慙洗桐圖

秋蘭娛屈子籬菊媚陶公如何程梅慙乃好青梧桐翳翳陰
林堂蕭蕭綠澗水已堪託琴書還畏霑泥滓澗聲上樹飛林
氣溼人衣炎暉炙四野此地陰霏霏眼底無纖塵心神亦清
絕翻笑穎上翁祇令雙耳潔

辛亥孟夏二十八日三兄嘉經歸葬東淘

二兄呼五弟荷鋤隨我發爾我將老死應收三弟骨行行見
廢墟荆棘何翳鬱餓鳶啄狸骼野蔓牽人膝二十八年來始
有家人跡朽櫬在何處形骸雜土木肢體拾容易砂礫亂爪
脊撥剔到天暝全軀乃無缺嗚呼甲申歲兄禍生倉卒身飽

強橫手命盡少壯日官長來相視行路色慘戚磊磊讐人頭
指日白刃割哀笳忽四起鐵騎來萬匹野積戰士屍城流殺
人血羣兇出獄門亦各操鈇鉞依狗猛虎區見者咸竦慄飲
恨歸去來待時卧蓬蓽次男名瑤琴襁褓兄愛惜眾謀立爲
嗣此支庶不歇四歲離所生命仰伯母活不悟大人心憐女
不憐姪綺繡擁外孫兒也足無襪弱膚受風霜髮叢蟻虱
憊極走還歸持抱生母泣我時實貧窘寸心與誰說今年兒
齒壯摧殘膺疾疾媒妁不議婚徭役長被責敢望吾宗大仍
愁兄祀絕冤魂久飄零今日就窀穸鄉樹近沃沃水菱
碧死者抱痛眠生者吞聲哭報讐事已矣斜陽徧阡陌

隄決詩 六首

庚申七月十四日淘之西隄決俄頃門巷水深三尺
欲渡無船欲徙室無居家人二十三口坐立波濤中
五日夜抱孫之暇作隄決詩詩成對落日擊水自歌
境迫聲悲不禁鼻壘涕下

今日隨人去築隄明日隨人去守隄颶風霪霖無休息土溼
泥流積不得杖藜登高看水長東舍西隣白泱泱蝦蟆入門
坐蘋上

浮來草屋如浮萍蟋蟀啾啾屋脊鳴家人延頸望天曉水作
北風寒氣早朽無衣裳甌無餐空腸瘦骨當狂瀾何時有暇
愁飢寒

暮年辛苦飼孤孫黃口命依白頭存餅餌斷絕已兩日水中

走來抱我膝鵝鶻天上嗚嗷嗷歎息汝祖非其曹不得倚汝
出波濤

漉起甕中數升黍甕沈薪溼不可煮家僮營營欲何適毒蛇
蜿蜒徧阡陌高歌落日慘我顏膠漆故舊阻河關安知我在
洪濤間

去年夏秋雨澤絕嘉禾枯似翁媪髮今年天漏夏日冷黃魚
黑驚戲樹頂無稅無糧官長矜胥吏用錢求開徵以災爲豐
爾最能

劉生^岸寄我糴米貲甌結簷頭乞火炊炊熟欲餐轉踟躕念
生囊中錢已無容易用錢俗所鄙違俗更有程季子^雲刺船
尋我漲瀾瀾

我昔二首效袁景文

我昔客途逢敗兵，弦聲旆影魂俱驚。
殘騎如狼散草莽，居人雜兔奔縱橫。
漁船貪利夜賣渡，金多方許載人去。
暝色潛行曙則隱，口乾腸飢我能忍。

我昔攜家亟逃難，海雲漫漫晝昏晏。
野空蹶響賊馬近，我船欲速行轉慢。
須臾燔燒閭里紅，風飄船入蘆港中。
蘆葉菰葉蔽男婦，引衣掩塞嗁兒口。

我昔兵過獨還家，畦上蠲體多似瓜。
空村無聲鷄犬盡，籬菊自放霜中花。
天南伯兄天北季，驚魂棄絕故園地。
夜寒鬼語聚稍稍，細雨還聞九頭鳥。

晏谿送江虛中兼懷吳後莊

凜凜歲寒天，送君歸舊川。
溪光淨佛舍，塔影壓漁船。
客路閒雲外，家山落照邊。
不愁逢酒伴，囊有賣文錢。

茉莉

深閣晚粧近，爭開羅綺前。
芳馨風緩緩，採摘月娟娟。
種自宜南土，根難到隔年。
比來烽火靜，處處賣花船。

懷江象賢

邗江三月半，孤客此時情。
病起家重憶，愁來野自行。
落花關外舫，嬌女竹西箏。
無數繁華子，春風送出城。

寄程蝕菴

練江巖岫內，沙白葦蕭蕭。
鶴髮浮孤艇，漁竿閱兩朝。
嶺雲流作瀑，澗樹側爲橋。
不得來攜手，思君顏色凋。

廣陵過嘉樹堂贈汪左巖孝廉

白岳白雲裏松門石徑斜半空飛瀑布其下有人家山響猿
呼子煙香樹發花幾時隨我友仙境醉流霞

送王黃湄之海陵

是我還家路扁舟汝獨行千人初短氣去國各含情海水孤
城暗霜風一雁鳴此鄉稱僻壤誰更識虞卿

宿從容菴

老僧借宿處窗對大江開茆屋無門戶寒潮夜去來火明揚
子渡鐘動妙高臺蕭瑟憑風雨繩床有舊醅

晚發白沙

黯黯雲垂野喧喧浪激沙黃昏初放艇白首正思家江戍聞

寒柝漁燈見宿鴉飛蓬真似我歲晚更天涯

附程翼士舟歸東洵作

客久吾逾拙囊空汝倦遊故鄉無百畝壯日盡孤舟村吠隔
花犬溪飛衝雨鷗相攜應不厭同是敝貂裘

九日同夏五作

風雨朝如晦乾坤日用兵秋魂聽鬼哭老眼看人爭榛梗方
爲害東南稍輟耕吾家二十口溝壑正關情

送人歸黃山

入雲山路碧重重歸去追隨石戶農幾畝秫田今有主一間
茆屋在何峯煙崖芝草衰年採雪嶺樵人落日逢悵望浮邱
蹤迹遠鍊丹臺上倚青松

內人生日

潦倒邱園二十秋，親炊葵藿慰余愁。
絕無暇日臨青鏡，頻過凶年到白頭。
海氣荒涼門有燕，谿光搖蕩屋如舟。
不能沽酒持相祝，依舊歸來向爾謀。

九月四日吳兩臣見過

俱是先朝戊午生，相知端不爲同庚。
黃塵戰伐無年代，白頭漁樵此弟兄。
萑葦人稀雙雁下，茱萸節近一溪晴。
疏籬陋室秋光在，莫厭頻來酒共傾。

舟中九日

過節淒然病裏身，強披敝褐對江津。
初霜白雁隨遊舫，故國黃花怨主人。
幾度登臨成老大，半生飄泊喪精神。
干戈滿地

親朋遠愁見茱萸，刺眼新

送方爾止

出郭朔風吹敝裘，亭皋東望使人愁。
隋宮綠酒離前飲，魯國青山老去遊。
寒雁背羣飛夕照，霜砧何處搗殘秋。
欲攀隄柳增惆悵，黃葉蕭蕭落馬頭。

舟中贈王子蕃

萍蹤空傍水邊鷗，鷗白忘機我自愁。
歲儉業蕪皋廡下，天寒人在楚江頭。
渚風亂聒羣飛雁，野日斜熏獨去舟。
時晏路長多謝汝，酒錢攜共老夫遊。

送劉希岸歸呂四場

逸興應知中路增，紫狼碧漢樹層層。
偕僧松壑霽浮權，乞火

竹爐寒煮冰萬里潮聲江海合千尋石路杖藜登何當共宿
翠微裏夜半開門看日昇

過金山

屢向征途見此山興來維艇一躋攀忽開襟抱魚龍際況載
尊罍水石間吳楚千年流白日風塵半世損朱顏留雲亭上
人微醉坐看江帆暮往還

東歸道中

人煙四望稀野雪不見路歸鴉與暝色稍稍陪宮樹

冶春絕句和王阮亭

雜管繁絃奏野航聽來聲調是伊涼邊關子弟江南老今日
曲中逢故鄉

送吳仁趾

秋山遶郭儘堪遊暮宿城西孫楚樓後夜酒醒思舊伴烏嘯
殘月不勝愁

慰隣人盧慎年七十無子

須知婢獨易相存積雨家家水入門凶歲形容魚鱉笑人生
怨殺有兒孫

王翊二十七首

翊字介人嘉興布衣有秋槐堂集

樵李詩繫秋槐老人家故業染一手挾書一手數錢
與布販菜傭相應答好製詞曲作紈扇記忌者誣以
詆毀里紳訟之官家計日落然詩日益有名
靜志居詩話介人初擅詞曲後研聲詩志取多師不
遺偽體其論詩於合處見離於離處求合啟禎之間
大雅不作毅然以起衰自任而知者寥寥惟平湖陸

職方嗣端心賞之嘗訪君於長水值君洗硯河頭挾
之登舟家人不知也遍游茗雪乃返旣而人越謁陳
推官卧子方置酒送客君詩有前路夕陽外行人春
草中之句卧子擊節曰此今之高三五也為序其
詞遭亂所居不戒於火惟餘小屋二間一供婦爨一
吟詠其中有人官府察者造之不見尋卒於京口
五言如江湖長至日風雪上方山驛路通秦遠峯陰
入晉多桃榔千樹雨瘴霧百蠻天日氣淫秋雨嵐光
變夕燠楓林依水盡雲物近秋多一二故人在飄零
佳訊稀江山雄白下人物近黃初山雪行人少江梅
臘月多文章身後事邱隴夢中山白社違人日玄關
閉子雲江山開一望吳越在孤舟七言如夜月旌旗
五馬渡秋風草木八公山周道秋風行黍稷漢宮春
雨長蒲陶西蜀渝通司馬檄中山謗滿樂羊書秦塞
忽驚三月火漢家空待貳師功三月晴風高戰鼓九
江春水下樓船鑄語高華此方虛谷所云律體也
明三十家詩選介人詩冲澹處似襄陽深婉處似龍
標沈摯處亦似少陵禾中詩人自清江異隱以後竹
垞以前此其卓然成家者也
田接鈕玉樵觚贖云介人攜詩藁過鄱陽湖以文得
罪湖神遇羣盜搜介人篋衍唯詩稿四五帙怒投於
湖及歸得詩餘百闕緘之藤笥到家發視諸物不改

而詞稿碎如刀割迎風片飛無完紙矣然則今之所
傳者盜擲神碎之餘也

猛虎行

北山猛虎行斑斑夜出索人晝不還路無行人食不足只向
山中守麀鹿可憐日久麀鹿窮猛虎亦死深山空

無可奈何曲

吳姬白皙妖且妍雙鬢墮馬如雲偏流波宛轉情遷延琵琶
暗撥鴛鴦絃月華照夜明蒼煙烏君酣歌樂當年勸君莫惜
黃金錢明朝花飛月亦沒青塚家家泣枯骨

孝陵

鍾山石層層冬夏積冰雪松柏纏陰森熊羆護巖穴鼎湖龍
去遠弓劍闕幽闕惟皇挺熙運奮起秉黃鉞一揮破蕞黃再

舉奠吳越羣雄空鬪爭所遇皆殄滅赤手造區夏率土賴重
活謨烈貽後人大誥昭史策燕雲旣殷遷豐沛猶漢業至今
龍蟠基王氣殊未歇臣也草野人不易窺聖域艱難入都來
未敢忘一謁精靈儼如在杳冥心目懾梓殿凝玉芝隧道隱
丹霓萬襪翼休明神哉報豐潔

秋夜遣懷

八月天氣清草堂轉深僻長河流素影遙遙瀉空碧落葉盈
寒泉繁星爛秋夕蕭風吹微月竹露夜深白偃蹇獨往來恍
焉慕疇昔

北歸後得友書感賦

長夏風日炎南歸且散髮每懷故人好索居又彌月書來道
相思殷憂喜初豁對使詢近事一一言婉切別後盜賊多人
徐恣衝突州民百餘里大半遭慘殺倉卒聞此言心膽幾若
割向使久羈旅焉能至今活生還有餘幸悲歌守饑渴縱使
委溝壑亦已欣後没干戈滿天地原野厭膏血裁詩雪涕淚
痛定轉嗚咽

游弢光

西山鬱奇姿茲峯實爲最孤根生虛無時與雲雨會密竹青
連陰白日半成晦泠泠多澗泉清響落山背曾聞住高僧卓
錫自何代至今松林中飄風墮殘唄我來值秋初炎暑猶未
退迴盤到諸天崩劣慎所戒歸途已蒼茫想像白雲外

顧山人貽書賦贈

東風吹花隱蠟屐卧起初聞叩門急手持一卷花外來宿昔
知名武林客君之手腕蓋有神耕煙注墨生空雲蕭疏幾筆
起織未俄頃忽見山嶙峋圓峯皴石石苔古疊石成巒介平
楚葉重霜流遠勢寒沿溪茅屋深宜補君家虎頭不可得阿
曠以後君無敵蕭齋風日正佳時畫裏看山幾重色

荒原

荒原秋草積緩步獨行歌野水同天盡寒煙入樹多此生嗟
老大滿眼又干戈北望風塵合驚聞旅雁過

與范尊甫

十年成往事長嘯激悲歌搖落當秋甚蹉跎奈老何風塵孤
劍冷天地一身多更念幽居者衡門掩薜蘿

寄內

白門楊柳樹蕭颯在江關故國幾回夢清秋千里山遠懷應
有淚久客且無顏歲晚愁歸計冰霜道路艱

渡錢塘

水驛渺難求風帆颯未收江山開一望吳越在孤舟客鬢逢
秋換鄉心近暮愁浮沈無限事觸目羨沙鷗

冬日

蕭條西北風吹斷北來鴻歲月客程晚冰霜天宇空有時歸
夢裏盡日處愁中昨夜傳鄉信烽煙又浙東

清河縣

小縣無城郭河流到縣門客舟經近市漁網集空村饑饉年

頻告逃亡屋半存惟餘譙鼓在猶是警黃昏

薊北

薊北十年來烽煙暗不開秋高邊馬健風急塞鴻哀白髮將
生鏡黃金未上臺徒憐憂國計長屈幕中才

登北固甘露寺

凌雲亭畔倚崔巍明滅維揚望裏開南國至今遺寺在西風
不盡大江來日生滄海凌晨見潮過金山向晚回指點孫吳
舊時事馬蹏石迹半蒼苔

竹夜

林風吹竹竹露微幽人隔竹開柴扉星河夜宿草堂靜蟋蟀
暗吟秋月輝疏鐘杳杳坐來歇流螢奕奕停還飛石床一枕

破清夢寥落半生無是非

雜感二首

旅矢彤弓寵錫頒北門鎖鑰動江關武侯師出名尤正太傅
功成鬢未斑夜月旌旗五馬渡秋風草木八公山金湯萬里
生民寄麟閣期登指顧間

長城萬里羨當年楚澤軍威蓋世傳二月晴風高戰鼓九江
春水下樓船韓彭心事應難論李郭功名不易全漫道勤王
師獨正江南處處起烽煙

三十家詩選澄懷去此詩似指左良玉

淮海聊寧燕雀居風高鼓角建牙初寒凌畫戟秋陰重雲壓
孤城夕照虛西蜀諭通司馬檄中山謗滿樂羊書將軍面矢

誰堪敵樽俎論功計已疏

秋怨

芙蓉花落水無香南國秋來夜有霜邊月只將離夢遠相思
河外是西涼

金陵懷古二首

煙草萋萋野色新晚來驅馬見行人不知何處含章殿滿地
梅花雪外春

寒江秋水盡無塵棧隱當年有二倫為問山中明月夜草堂
猿鶴怨何人

會稽竹枝詞

秋風秋雨正淒淒荷葉荷花香滿溪越女蕩舟愁日暮歌聲

盡在若耶西

宮詞三首

上林春酒盡醜醜醉倚新恩倩帝扶翠輦不登遮袖去兩行

銀燭盡宮奴

禁中春樹藹晴煙朝報簾聲下九天官局進呈新鑄好六宮

齊賜草書錢

十里芙蓉內院秋涼風先到殿西頭君恩不是銅溝水那得

深宮處處流

揚州

香璜珠匣閉黃沙泉下依然望翠華芳草離宮三十六春風
吹滿玉鉤斜

明詩紀事

貴陽陳田輯

辛籤

屈大均 四十首

初名紹隆字介子番禺諸生鼎革後去為僧名今種
字一靈返儒服更名大均字翁山有翁山詩集八卷

池北偶談屈翁山少為諸生有聲旋棄去為浮屠久
之出遊吳越又數年忽加冠巾遊秦隴與秦中名士
李因篤輩為友作華嶽百韻固原守將其見而慕其
才以甥妻之翁山愛玩少室賦詩云同棲紅翠三花
樹對寫丹青五嶽圖自固原攜妻至代州上谷再遊
京師下吳會自金陵歸粵妻隨病死其詩尤工於山
林邊塞一代才也
王猷定四照堂集屈五賦質既超選材亦別餘子在
人海和酬處士獨拔地作空中語
靜志居詩話翁山早棄儒服託迹緇藍子識之最早

卷十一

一

其詩原本三閭大夫自王逸以下多屏置不觀後復返儒服入越讀書祁氏寓山園不下樓者五月始具曹劉班左諸體要之七言不如五言五律勝於五古至歌行長句可無取焉
廣東詩粹一靈自謂五律可比太白而氣體亦多似杜
田按翁山五言詠古詩突兀奇崛多不經人道語七律雄宕豪邁五律雋妙圓轉一氣相生有明珠走盤之妙與區海日後先合轍

詠古四首

神堯愛二女盡以歸重華長者爲女君容顏如朝霞少者爲夫人亦若扶桑花衫衣被南風琴歌何紛葩朝同蓬萊宮暮去瀟湘涯帝旣崩蒼梧妾亦捐長沙神光兩不離日以爲家

維昔二周君皆以誅秦亡大義帥諸侯王朝亦有綱惜哉無

良將九鼎歸咸陽是時秦亦滅嫡裔止莊襄政也實姦生呂代嬴氏興二世不旋踵趙高據其吭前秦祖蜚廉後秦祖文信無德易傾覆虎狼總推刃詩書亦何罪儒生同一燼痛絕驪山坑多言說堯舜

峩峩太華山上有四毛女苟非逃學仙從死成黃土光光人魚膏泉下照歌舞淚作水銀海腸爲黃金縷秦時女高士麗英與爲伍翩翩金精峯相逐有毛羽

漢帝亦多情酒酣思猛士悽悲大風歌辭與招魂似韓彭皆已亡慷慨不可止泣下爲淮陰非是悲遊子刻薄鐘室誅終古帝王恥忍以英雄人以與兒女子

過大梁作

浮雲無歸心黃河無安流神魚騰紫霧蒼鷹擊高秋類此雄
豪士滔滔事遠遊遠遊欲何之驅馬登商邱朝與侯嬴飲暮
爲朱亥留悲風起梁園白草鳴颼颼揮鞭控鳴鏑龍騎如星
流超山逐羣獸穿雲落兩鷺歸來宴吹臺酣舞雙吳鉤驚沙
翳白日垂涕向神州徒懷匹夫諒未報百王讐紅顏漸欲變
歲月空悠悠

望五老峯

飛翠如煙雨秋來山色濃夕陽一返照明滅金芙蓉獨嘯此
亭月將尋何處鐘石門精舍近早晚巢雲松

開光寺樓作

向夕樓中卧天風忽起西不知吹瀑水飄落幾重谿
小雲爭入林深雪已迷無人愛幽獨來共聽猿嘯

從軒轅宅入迷居洞

曉起蘂珠峯行行花影重林鳥飛落月山鬼嘯寒鐘野飲芝
泉冽秋衣竹翠濃昨宵逢道士疑是七星松

松林

松林二三里掩映帶平沙煙火不知處茅茨時一家野衣無
數葉山鬢絕多花樵路隨春草盤盤上嶺斜

寄何子

病裏知秋早涼風生鬢絲夢隨林葉落心與海雲遲明月不
長滿青山空有期斜陽在南浦每憶送君時

馬陵

五奎名一
三
俯挹中州盡河山表裏來天懸句注險水劃孟門開一笑雄
圖失長歌故國回遙從狐突廟直下馬陵臺

寄桐岑子

雨雪悲年暮山川愛浙東平生一明月飛入鏡湖中白拂懸
天柱清琴響碧空期君揚帆至相接有樵風

送何子往桂林

桂林襟五嶺山盡翠成嵐去逐湘江北歸從灘水南故人待
徐孺太守是嵇含巖穴多句漏行春共玉驂

遊太倉張氏學山樓

城裏多邱壑名園更學山何來峯十二風雨恐飛還抱石雲
長冷流花水不聞人疑太湖上銷夏第二灣

入秋鄉江作

欲雨水風起白雲初滿船秋鄉多落葉一半逐流泉白鳥一
溪影人家幾處煙片帆平嶺過驚起鷓鴣眠

寄蕭山張杉

聞君白魚潭蘆花秋半舍持竿皎月下沽酒寒溪南我欲遊
天姥因之結草菴會當遣雙鶴來此迎蘇耽

重至白門宿余鴻客山堂作

白下嘯烏地愁人自六朝秋聲將落葉此度益蕭蕭山鬼弄
魂夢草蟲悲寂寥那知垂老客有道在漁樵

琴臺

二月春風發梅花滿洞庭美人乘畫舸采采入香涇潮生胥

口白雪盡莫釐青何處弔西子琴臺碧玉屏

桃溪

夾岸蒙茸竹枝枝有鳥嘯夢飛芳草外愁在夕陽西水驛連
三峽人家各一溪女郎祠畔望煙雨一秋迷

綠樹

江南芳樹滿色似水波鮮一半爲楊柳風吹綠漲天長因新
葉好益念故花妍黃鳥藏何處聲聲總可憐

自胥江上峽至韶陽作

六六玉芙蓉鳴琴知幾峯如何百蠻狩不遣一妃從絕徼餘
城闕荒祠尙鼓鐘月明瑤瑟至應渡水雲重

浮湘

兩日隨蘭漿青青紫蓋峯五峯江倒映水底盡芙蓉蒼翠楚
天好微茫湖口重洲邊采香草湘女暮相從

繇來曲

霜鬢欲成絲多因生別離無情是瑤瑟未及曲終時魂夢滿
三楚雲山紛九疑天邊無限樹總是一相思

唐晉王祠暮

何代丹青妙雄姿動武皇精靈猶白日弓劍已秋霜石馬嘶
風急沙河繞塞長應州金鳳井霸氣共蒼蒼

王有畫像武宗取入大內

懷同岑

空翠洞庭陰松風吹滿林白雲不可見日與數峯深聞在毛
公洞時時拂素琴秋來摘朱橘霜露溼衣襟

長劍短刀鋌幽并惡少年馬頭懸落日鷹眼射高天並飲桃花店齊彈白紵絃胡姬量酒罷調笑索金錢

送顧寧人

雁門北接常山路爾去登臨勝概多天上三關橫朔漠雲中八水會渾河飄零且負藏書洞慷慨休聽出塞歌我欲金箱圖五嶽相從先向曲陽過

杜曲謁杜子美先生祠

城南韋杜潯川濱工部千秋廟貌新一代悲歌成國史二南風化在騷人少陵原上花含日皇子陵前鳥弄春稷契平生空自許誰知詞客有經綸

金山口恭謁天下大師墓

讓帝飄零海嶠東龍歸猶識未央宮風雷豈敢疑周旦禾黍何當怨狡童父老爭迎靈鷲錫山河如棄鼎湖弓傷心陵墓無封樹秋草離離白露中

平臺

在天壽東山口內一里成祖嘗駐蹕焉嘉靖十五年命作亭於上名曰聖蹟十七年四月駕幸平臺祀成祖於臺中

翠輦紅旗去不還平臺一片朔雲閒宮邊流水通諸口陵後黃花控二關俎豆中宮修漢臘松楸南國慘天顏玉環何日歸廷尉流落龍沙戰血斑

宣府道中

花園北抵鴛鴦灤一路闕氏往蹟多恒嶽白雲連上谷桑乾

春水接洋河紫髯日市牛羊入紅粉時吹簫築過此度關山
無內外漢時空費羽林戈

宣府

遼后宮臨鎮朔臺明君祠傍拂雲推天寒鷹隼三關落日暮
牛羊四野來幾日玉鑿榆木返無邊毳帳上都開遼東一臂
連宣府誰使寧王罷鎮回

大同作

飲馬東連白道泉桑乾西接紫河煙何年代邸淪秋草幾處
秦城出遠天事去英雄羞一劍時來遊俠喜三邊哀笳莫奏
思鄉曲都尉臺前月正圓

采石題太白祠

才人自古蛟龍得太白三閩兩水仙詞賦已同雙日月精靈
還作一山川江間絕壁丹青出木末飛樓俎豆懸千載人稱
詩聖好風流長在少陵前

墨胎

九世商侯是墨胎盟津肯爲武王來千秋書弒堪爲法一代
無臣正可哀灤水風悲孤竹里首陽雲掩采薇臺黃農虞夏
歸無處多事天生十亂才

見月有懷

知爾城南婦愁心欲寄難故將樓上鏡懸與藁砧看

湖上

春草接姑蘇春煙望漸無愁心與春水流滿莫愁湖

寒食

煙雨催寒食江南又暮春可憐三月草看盡六朝人

天邊

天邊明月迴含霜夜夜哀笳怨望鄉一片愁心與鴻雁秋風吹不到衡陽

客雁門作

三年作客傍滹沱聽盡哀笳出塞歌白髮不驚明鏡滿秋霜只怨雁門多

陳恭尹 三十四首

恭尹字元孝廣州順德人侍郎邦彥子有獨漉堂集

七卷

彭士望恥躬堂集獨漉堂詩諸體兼擅手觸肩倚莫

不中音意格渾成發人神悟

漁洋詩話南海耆舊屈大均翁山梁佩蘭藥亭陳恭

尹元孝齊名號三君元孝尤清迴絕俗如離憂在湘

水古色滿衡陽映花谿路閉澗水石根虛枕柳過雨

垂空地玊瑁乘潮上古城家山小別吟兼夢水驛多

情浪與風皆得唐人三味

居易錄元孝寄余詩索南海集云酷似高人王右丞

在官蕭散意如冰時名兄弟堪方駕家學文章自一

燈滄海乘槎會獨到越山懷古記同登南來新詠多

如許紙貴衡陽寫孤棹寒湘共此心積雨江漢綠歸

元孝詩如積雪迴孤棹寒湘共此心積雨江漢綠歸

心揚柳初三徑草生殘雨後數家門掩落花中皆唐

賢佳句也

靜志居詩話元孝降志辱身終當進之逸民之列其

自序畧云志學以往皆為患難之日東西南北不能

多挾書卷自隨而意有所感復不能已於言故於文

辭取諸胸臆者為多而稽古之力不及其辭可云不

自滿矣論其詩品雖稍遜於翁山然翁山祇工五言

又不若元孝之諸體相稱也

張維屏聽松齋詩話詩以沈為極詣沈不在貌其骨

重其味厚其氣蒼其韻長乃謂之沈梅村獨漉之詩

昔沈梅村沈麗獨漉沈摯
田按元孝詩溫雅有則身際滄桑多感憤之言而音
調仍歸和平則澤古者深也

瑯琊王歌

寶馬鳴春風馬上人如龍下馬道名姓言是廣平公

行路難

君不聞蜀山多陰稀見日羣犬吠之盈萬室又不聞野人有
婦一目偏出見舉世皆不妍是非好惡何有定昨者高岸今
爲淵勸君且自酣盃酒勸君不用狂開口正言自古有戈矛
上土聞之皆卻走

感懷二首

事君如四時成功者爲客君子慎其言祇以求忠益小人躁

於名噉噉沾其直疾疢卒不除上下成乖隔爲臣固當戒爲
君獨宜擇曲突弗先圖頭額爲焦灼忠言有如鴉佞言有如
鵲鵲鳴人所喜鴉鳴人所嗜

覽鏡在中夜莫辨影與形人苦不自知所賴友與朋圭璧貴
攻瑕龍阿期發劓如何末世士懷利忘平生責望疑似間讒
間忽然興陳張交里門白刃生王侯富貴尙相負貧賤甯相
能結交始以義全交終以明安得兼黃金以鑄鮑子靈

雜詩

商風自何來白雲起秋色梧桐下一葉百卉萎未息天地方
疾威美者先受抑捐生故有人困餒焉足惜豐此百年軀祇
爲螻蟻德

遊七星巖

立馬眺平蕪蕭蕭見蒼壁不知何處雲飛作茲山石嵯峨各
異勢紛詭非一色旁通類戶牖中虛成室宅藤杞上鬱盤石
乳下涓滴時間鐘磬鳴宛若仙源隔靈峯互蔽虧微徑緣空
隙頗疑混沌初有此機巧迹遊茲已屢歲月真如擲川原
無古今世事空疇昔徘徊倚層巔北風感行客

登羅浮

入桂秘南經雙山雄粵望偉哉昔所聞於今觀其狀彌天列
青靄絕地聯層嶂掩苒草木平陂陀谿谷壯誰言盛積阻極
目何超曠雲巒時絕續泉聲日奔放飛樓候朝曦倒影排溟
漲相傳蓬島來負矣陶唐尙事往誠莫稽迹湮理無妄搏禽

應曰杵暗虎懷仁讓蟲書篆符竹蜚化遺衣朽翳維羽人宅
信此餘風暢陰崖饒異產神藥茲靈藏名遺炎帝書類絕嵇
含訪伊昔休明會位與王侯抗時勤玉璽封未昧高山嚮望
秩禮久虛早魅人猶仰我來仲夏月溽暑陽方亢卧聞夜來
雨飛出龍池上何因霈九州蒼生企靈貺

沖虛觀

浮生無百年脆質今一毛言尋仙人居焉憚登陟勞褰衣遵
澗曲輟棹逾平泉輕風澹餘雲仰見巖岫高眞宮厰峻宇飛
陞凌層霄羣峯列垣墉眾壑深溪橋石池曜紅藻乳竇凝金
膏緬懷著書人丹書樂南交幽洞俯日月天路流雲璫慮釋
神必凝理得形自超安知後來者澹蕩非吾曹

西樵遲蔡良若

朝起望山路雜花虧蔽之日暮有來人而非心所思子行亦不遠日歸何乃遲清溪日澣濯猶恐衣裳淄

柏舟行爲區母陳太君賦

太君愧義陳太夫之女也許適見五區大夫之子寶宸文學文學早卒太君當未笄之年矢靡他之節于今五十矣同人嘉其志有成繪圖爲祝予旣爲之序復作此歌

柏舟兩髦猶可儀陶嬰黃鵠曾雙飛夫人爲婦已頭白眼中未識君容輝自言生長大夫女經史胸中炳如炬父母有命兒有心縱不言承已心許心期頡頏同一林天教殊絕成辰

參人生意氣貴一諾妾能負天不負心妾父有男妾有姊君家大夫君一子有妻於俗得立孤無妻爲殤終已矣素車白馬入君門繇來爲義非爲恩身安分命甘如薺半生衣枕無嘸痕當年十五今五十嗣子成立皆有孫嗚呼陷胸絕脰死容易就義從容人所畏青閨冉冉盛年徂誰能誓死終不渝千金之劍贈樹墓至今談者猶區區何況贈以千金軀乃知未仕報韓者古今所以爲丈夫

發舟中湘將登南岳

芳草綠未已孤舟發南湘還當上巳日遠適衡山陽石積水光碎竹多風響長客途春有酒波蕩感浮觴

歸舟

積雨江漢綠歸心楊柳初芳菲空復爾少壯已全虛白髮何
難得青山不易居從今向田里所懼世情疏

游尹瀾柱銓部園林

曲渚平無浪扁舟晚不歸如何垂綬客亦有釣漁磯天月欲
隨我水雲微上衣小童輕把棹莫使白鷗飛

贈袁偉振林叔吾

珊瑚洲畔柳可以贈依依自我此爲客而君遂不歸夜吟銷
畫燭春雨共寒衣未別先惆悵他宵明月輝

次鳳陽逢中秋

未到聞沽酒早投城北闌莫令亡國月得照渡江人世薄功
名土秋銷戰伐塵餘生付樽杓留醉上車輪

漫興

借屋增江口悠悠十八年力窮羣籍內身老眾人前曲巷來
風滿閒門得月偏有生同是寓終戀墓邊田

冬草

無論南與北一種白連門豈不怨遲暮曾承天地恩遠風疏
勁葉春色聚寒根獨立觀元化悠悠何所言

藤簾

一片燕山雪千枝海上藤結爲幾萬字字字續成冰縷結長
欺髮光寒不集蠅暑天南地上從此絕炎蒸

八月十夜泊舟長淮關懷故園別者

長淮今夜月此是故人心萬里送行者徘徊楓樹林維舟悵

前浦把酒戀同斟自我不相見知君愁至今

送滌上人

滌公到城久忽憶邱中琴積雪迴孤棹寒湘共此心獨歸紅
樹外相待碧雲深借問茅菴路衡山在隔林

葉世穎重之中湘茅屋行後有寄

楚國木葉下西風行有霜離憂在湘水古色滿衡陽幾日歇
蘭棹此時開草堂山川教兒子指點洞庭傍

同何不借梁器圃魏和公梁藥亭陶苦子宿靈洲山寺

柬王說作王大雁

靈洲秋色淨無煙水雨山隅浪雨天落日客尋江上寺出林
僧放月中船漁依別港燈侵閣鶴宿高巢影在泉欲與故人

同夢到夜來吟咏不成眠

寄程周量

薇省仙郎安好無別來三見落庭梧西風不盡雁初下明月
相思天一隅內詔寫歸金鳳紙新詩擊出木難珠故人落魄
南江上穩繫藤蓑作老夫

送家中洲之青原訪藥地禪師

老依江徼謝名稱門徑蒼苔日漸增遠興忽生黃菊節舊心
期對白頭僧吟過曉岸風千樹舟並寒山夜一燈想到吉州
攜手地石橋新瀑半爲冰

夜起西山草堂口占別吳又札梁顯若梁亮圃

無成三十老漁蓑舊國深慚此屢過生計未知何事好詩篇

惟覺別人多高城曉角收涼月歧路西風長白波猶幸交親
不相棄夜燒銀燭為悲歌

發舟寄湛用階鍾裴仙湛天石

扶胥古渡水淒淒雨後移舟望轉迷數口寄居秋草外一身
為客水雲西家無兄弟依良友地夾河山畏鼓鼙知己片言
應不負亂離妻女藉提攜

送任克家歸皖江

楚國千峯入小樓闌干環映大江流夢中明月經年別歸興
吳山昨夜秋菊徑乍開人並上秫田多熟酒新籌家園樂事
遙堪羨作賦潘郎未白頭

夏至夜卽事

初晴天氣便炎蒸小閣風多最上層臘酒舊藏椎髻婦春茶
新惠住山僧頻探落月移湘簟自惜流螢掩夜燈一歲算來
今夕短老夫猶為幾回興

鄴中

山河百戰鼎終分歎息漳南日暮雲亂世姦雄空復爾一家
詞賦最憐君銅臺未散吹笙伎石馬先傳出水文七十二墳
秋草遍更無人表漢將軍

魏書明帝紀注張掖柳谷口有開石得五馬文曰大討曹此魏晉代

興之符也

聽松齋詩話獨漉先生七律尤多傑作鄴中懷古一篇議論含蓄鏘鏘自然七律到此地步所謂代無數人人無數篇者也

明妃怨

生死歸殊俗君王命妾來莫令青塚草生近李陵臺

江上曲

雙蛾畫不成十五背孃行獨自搖蘭漿橫塘看月生

東湖曲二首

大石樓連小石樓上樓遙見珊瑚洲洲邊花豔誰家女笑擲

紅菱打白鷗

垂楊橋晚歸人小近水亭高遠岫孤正是郭西難畫處淡煙

疏樹似倪迂

陳子升三十首

子升字喬生南海人侍郎子壯弟弘光時以明經舉

第一隆武改元拜中書舍人桂王時拜吏科給事中

遷兵科右給事中有中洲草堂遺集二十六卷

有學集喬生學殖富有才筆日新以風雅為第宅以
騷選為苑囿緜繡悽絃蒙榮集翠南海文忠公肝衡
告余有火攻伯仁之歎
靜志居詩話喬生古詩愛仿玉臺金樓五律規摹太
白浩然時有單行之句然其心摹手追者區海目也
順德薛始亨尚生序其詩云洪承成弘迄今天下之
詩數變獨粵中猶奉先正典型自孫典籍以降代有
哲匠未改曲江流風庶幾哉才術化為性情無媿作
者矣此善言士風者
梁佩蘭六堂集中洲先生詩有時空諸所有有時
實諸所無有時高唱入雲有時舟迴蕩漾有時天然
頽放有時簇錦攢花間或嗜險驅奇畢竟雅人深致
田按喬生早擅才華晚歸閒寂集中諸體各有擅場
五律尤有明珠走盤彈丸脫手之妙

短歌行

有酒盈樽嘉賓在門直須延坐庭光已昏悲當用歎辱亡齒
寒魯酒伊何圍彼邯鄲瓶之罄矣惟壘之恥人生何為憂來

辛鑑卷十一
五
不已蕭蕭暮風吹我欄櫺悲滿君懷醉顏不紅交交好禽枝
間好音胡不如鳥人各有心鶯嬌始簧燕狂以盼斷鶴續見
云胡短長琴則可歌笙則可吹惠而好我與子同衣

行路難

我奏瀟湘二妃之寶瑟西母白雲之仙謠易京君明之龍笛
秦臺弄玉之鳳簫君家堂中旣浩侈洞房複帳留相調中有
一人字白雪鳴蟬兩鬢鳳凰翹未許千金韓挾彈徒逢十八
賈登朝寶帳三千萬阿那使君五馬躑躅驕珊瑚懸鉤出海
底自言寡向上宮要妙聲絲竹迭無間羅帳忽已從風飄翡
翠窗疏眉語度蓮花帶弱精魂搖繁邸區區復叩叩荆王暮
暮復朝朝金卮滿飲稱旣醉思君此事非松喬人生壽命當

有盡焉如靈匹望河橋

雙鏡辭

照鏡欲照雙雙鏡莫當窗窗前花復柳鏡影殊難偶一鏡見
妾容雙鏡見妾背鏡尙見妾背妾面郎安在雙鏡亦徒然破
鏡飛上天

感遇

百年能幾時何不逍遙遊欲絕塵土迹且居明月樓高情屬
遙漢延睇舒層邱待我凌雲翔與子談九州

玄墓山探梅

寒浦入輕舟春山引孤策煙開見飛鳥雪澹無形迹仄徑援
山臂高根逗泉脈旁臨鄧尉阜迴望閭門窄日照寺微紺湖

涵梅盡白諸天恣花供大地成香席石壁張丹青茶山噉雲
液悠然遂終日歸路思彌繹

屈道人歌

雲中龍變化隱隱見其麟支公與林師髣髴云一人方袍白
足采蘭蕙僧伽未必非靈均屈上人天下士雜佩芳菲吾與
爾遠遊高舉今在此只今吾見化鶴歸來之蘇耽誰解昨日
出關猶龍之老子

呂華苑

南漢風流地芳湖曲帶潮芙蓉依殿腳楊柳近宮腰一往多
疑塚千年不復朝空餘化螢草冪歷彩虹橋

明妃怨

物色歸驕虜蛾眉鎮獨蠶遷延上馬地決絕貫魚人簪篋風
相切琵琶語不真君王有飛將妾是玉關塵

上巳海目山禊飲

羽觴何處流飛渡羽人邱斗酒黃鶯語山枝青翰舟春叢煙
霧氣波蕩古今愁楚水長相接言歸芳杜洲

寄無可大師

平生皖城友當世白蓮師金策搖何處碧雲愁暮時月臨無
盡界鳥擇最高枝同病還同老浮沈愧所知

黃石公祠

素書傳孺子黃石是吾師何事穀城道披榛尋古祠風生雕
虎嘯日落蹇驢疲濟北遙遙去鷄鳴何處期

秦溪獨往率爾遣懷

林香迎杖發一路落橙花復被鳥聲引溪南人幾家喧風吹日動細水向人斜卽事可深悔平生白鼻騮

感秋

故人書不至邊雁度梅關月色江湖上秋聲枕席間霜清九曜石木落二樵山獨向南樓眺知子鷗鷺閒

石埭訪姚六康明府

白苕陂前路長吟問玉人琴堂時一望雨霽九峰新野寺池官禁江樓納客身還憑仙鳥力能使人山煩

贈呂半隱常侍

巴江隱隱流豈是瀟江秋君住湖山曲峩眉天際頭雲松巢

獨鶴沙嶼過羣鷗千里論膠漆真堪此處投

長興大雄寺聽吳仲徵彈琴

古寺過從密秋心不待言鳴琴篋裏出歌鳳指端翻獨作高閣嘯猶嫌鄰磬喧當攜畫溪上彈向老梅根

客長興時京口李河直自卞山買舟相尋

浮萍各自飄折簡不煩招知有五千字來從丁卯橋埋名已東郭訪古尙南朝想借天人供禪房慰寂寥

金陵

六朝君莫問千古併生愁宮似咸陽劫江勝洛水流鷓鴣何日散蘆葦颯然秋獨有秦淮月時時照客舟

贈脂落上人住景泰寺

常時住山意獨與老夫論脊屬恆相外雲峯覺爾尊向人求
簪笠並鳥過松門度得中餐飽疏泉注茗根

上巳蒲澗偕諸子

異地蘭亭會春郊蒲澗遊杖隨清瀑引觴帶白雲流旅食忽
三月狂歌仍一邱何煩修禊事靈境卽蠲憂

答陸導甫

陸郎金散盡蕭索對斑駁踏遍重關草空餘兩鬢絲春芳一
以歇陰雨況淒其世故還相見披襟似舊時

相逢行

相逢君不見疏柳對黃昏水畔鴉頭襪爐間犢鼻禪與雲兼
送目爲草亦交魂未得通媒妁微私曷敢言

閱袁公安卽事起語云箇是春江舊舞樓海棠花下小

梁州愛其尖麗效而小變焉曰箇是

箇是春江絕豔船芙蓉塘外小遊仙偶看竹淚回雙袖合譜
楓香入四絃細馬馱來羞魏國流鶯驚起隔韓嫣東南亦有
秦家女白日高樓只愛眠

咸陽

羸馬垂鞭氣亦豪關門勝蹟莽相遭錫來鵠首霸秦繆會去
鴻門興漢高三輔依然環帝里一峭不動表神臬少年卻在
遠林下閒臂角鷹新放條

金陵

秦淮新月浸微波曾咽當年玉樹歌雙闕荒涼山鳥至六朝

煙靄寺僧多
桃迎渡口春無限
蘋采江南晚奈何
莫把鬢眉倚紅粉
酒樓高絕客顏醜

自贈

好處都非外物成
自看不解自心情
談詩起舞忘垂老
聽梵悲來感宿生
半口尙沾曾戒酒
終身拌別舊居城
人家積穀塵皆滿
獨埽明窗花裏明

訪李生池館

桃榔里外薜蘿陰
隔一溪居便自深
書屋總拋蔬地置
詩人多過板橋尋
閒書野事收山葉
偶喚家僮聚水禽
多少名流空眼底
得無迂拙屬知音

贈蕭孟訪


心過虔江汨汨流
一峯晴處且夷猶
名家彭蠡湖西著
姓氏梁皇寺裏留
園列邨莊皆歇馬
池分沙澍各眠鷗
藏書自祕誰看得
聞說高僧共一樓

罨畫溪寄慎旃副憲

門當水郭隱湖灣
秋憲家林自愛閒
偶出總經騷客地
端居能鎮道場山
座參奇石聆深語
酒對禪僧發靜顏
頓使嶺南歸思緩
刺船仍約畫溪還

望圭峯

圭峯歷歷樹燈殘
回首岡州落照寒
欲上峯頭散愁思
匡門東下水漫漫



Vertical columns of text in a traditional Chinese format, likely a list or index. The text is mostly illegible due to fading and bleed-through from the reverse side.



